

Jaan

a cr̄a

Enyōnudisa

Enyōnuc wema əla a, Jaan i ɳr̄o ε. Enyi ɖeka lə Yesu əmədçq̄ida wo mə (Matie 10:2). Enyōnuc wema əla i nyi amənə a tɔ lə ɬ̄gununu wema ye ye a mə. Lə wema a mə a, Jaan nu ənu kə Yesu wɔ lə anyigban ji awo, ənu kə i kpra amə awo; sigbə i ku mɔ a, kidə sigbə i nyɔ co l'əku mɔ a. Enyōnuc wema Jaan tɔ a, j̄ q̄i kə Matie, Makə kidə kə Luka wo ɳr̄o awo sùgbɔ o. Kpɔdəj a i nyi bə: Jaan nu ənujiŋu kə Yesu wɔ a kidə ɬ̄xolɔlɔ ɖewo, i wo ɳ lə ənyōnuc wema amətɔn ɖeya wo mə o. Enu jiŋu kidə ɬ̄xolɔlɔ awo ɖoo kə: Yesu cɔ ɬ̄ci trɔzun veeen (Jaan 2 :1-11). Yesu kidə nyɔrun samaritɔ a (Jaan 4:1-42). Yesu vɔdɔ nə dɔnɔ ɖeka lə Betizata ɬ̄tɔ to (Jaan 5 :1-9); Yesu nyɔ Laza co l'əku va àgbə (Jaan 11:38-44). Jaan ɳr̄o wema a i se lə ɖə disa bə Yesu i nyi Kriso X̄ögantɔ a, i gbə nyi Mawu Ǝvi cagbətɔ nə amə wo na xɔ ε sə, i a kpɔ àgbə mavɔ (Jaan 20:31). Enyɔta kə ji Jaan xonu do awo ɖoo kə : Yesu i nyi ənyɔ a; Yesu i nyi Kriso X̄ögantɔ a; Àgbə mavɔ; R̄ɔnr̄ɔn; X̄sə ɖoɖo də Yesu ɳ.

Cocomə mə kə wema a hən a wo kə

Enyɔ kə na nə kəkrə kidə àgbə amə a (1:1-18)

Jaan Mawucilənamətɔ a kidə Yesu ye dəkprɔvi ɳkɔtɔ wo (1:19-51)

Èdè kè Yesu wɔ nə dùkɔn awo (2--12)

Yesu nu ye yiyi ye nyɔ nə ye dèkprɔviwo (13--17)

Vèvè sèsè Yesu tɔ kidè ye ku (18--19)

Yesu nyɔ co l'èku, i do də ye dèkprɔvi wo ji (20--21).

Yesu i nyi ènyɔ a

1 Gbòxo Mawu a dō xixə a, Ènyɔ a lε; Ènyɔ a lε kidè Mawu, i Ènyɔ a nyi Mawu. ² Ènyɔ a lε kidè Mawu co gòmèjèjè. ³ Yeji i Mawu to, i wɔ ənu wo see; η wɔ ənuqèken ya ma lèmè o. ⁴ Ye mə i àgbè lε, i àgbè nyi kèkrè nə àgbètɔ wo. ⁵ Kèkrè a lε kɔ lε zubrumè, i zubru ñ xɔ ε o.* ⁶ Mawu dɔ amèdèka qìda, i wo yɔ nə ε bε Jaan. ⁷ È va sigbè èkunnu qètɔ ənə, i a q'èkunnu nə kèkrè a, nə amə wo see na toji, i xɔsə. ⁸ Í nyi yeqta i nyi kèkrè a o, vɔ a, ə dō la q'èkunnu nə kèkrè a. ⁹ Kèkrè hunna qèken i nyi kèkrè àdòdo, kε va xixə a mə, i kɔ nə àgbètɔ wo see a. ¹⁰ Ènyɔ a lε xixə a mə, i Mawu dō xixə a to ji; vɔ a, xixə a mə tɔ wo ñ dəsi i o. ¹¹ È va yetɔ wo gbɔ, i yetɔ wo ñ xɔ ε o. ¹² Amə qèsyadè kε xɔ ε, i ka dəji awo a, ə na wo àcè nə wo a trɔzun Mawuvi. ¹³ Wó ñ trɔzun Mawuvi sigbè wo ji nə əvi ənə o, nɔmi to àgbètɔ ə jro mə o, vɔ a, Mawu ɳta, i cɔ wo wɔ əvi awo. ¹⁴ Ènyɔ a, trɔzun àgbètɔ, i nɔ mía domè, ə qɔ nə àfènu kidè àdòdo. Mi kpɔ ye gañgan. Gañgan hunna kε Èvi akɔŋgo a xɔ co Dàdà gbɔ a. ¹⁵ Jaan qè èkunnu nə ε, i də àxa bε: «Amə kε y'ènyɔ i η nu, gàkèmè η nu bε: "Amə qèka lε tiin ɳgbè gbɔnɔ, Amə hunna wu ègan η, qo é lε gbòxo η va jɔ a kε."» ¹⁶ To rɔnrɔn gañgan kε ì dō nə mí a mə a, ə na àdòkù

* **1:5** Ènu kε wo ɳrɔ dε Grèkε gbε mə a, wo co wo a gbε s'ènu jèmε bε: zubru ñ tε kpase nə ε o.

nu wo míawo see, i wɔ àfənu wo nə mí èdè də èdè ji. ¹⁷ Mawu na mí əsə to Moyizi ji, vò a, àfənu kidə àdòdo va to Yesu Kriso ji. ¹⁸ Amə ɸə íj kpc Mawu kpc o, vò a, əvi akɔŋgo kə nyi Mawu, i ne kidə Dàdà a, i ɖə e disa nə mí.

Jaan Mawucilənamə tɔ a q'ekunnu nə Yesu

(Matié 3:1-12; Makə 1:1-8; Luka 3:1-18)

¹⁹ Èkunnu kə Jaan ɖə gákəmə jifugan kə lə Jərizalemù a wo dɔ Mawuvcsatɔ wo kidə levii vi wo qidə ε, nə wo a ve ka ε sə bə: «Mə ε i ə nyi ?» a kə. ²⁰ É ɖo ɳti nə wo, i ɖə mə nyɔŋgbin lə amə wo see ɳkɔ bə: « Nyi íj nyi Kriso Xògantɔ a o.» ²¹ I wó ka ε sə bə: «Mə ε i ə nyi? Èwo i nyi Elīi a a?» É gbə nə wo bə: « Èo, ənyə i goo», Wó gbə ka ε sə bə: «Mawugbədɔtɔ a i ə nyi a?» É gbə nə wo bə: «Èo» ²² Wó va ka ε sə xotɔn bə: «Mee i ə nyi tutu? Mí ɖo a ve ɖo ègbə nə amə kə dɔ mi qidə awo, mə ε i wo ɳta ə nya bə ye nyi ?». ²³ Jaan nu nə wo bə: «Enyə i nyi amə kə lə də àxa lə zògbəji a: "Mi gra əmɔ do nə Àxotɔ a", sigbə Mawugbədɔtɔ Ezayi nu i a». ²⁴ Farizì wo lə amə kə wo dɔ qidə Jaan gbɔ awo domə. ²⁵ Wó ka ε sə bə: «Kə íj nyi Kriso Xògantɔ a o, nɔmi Eli o, nɔmi Mawugbədɔtɔ a o, nukee jɔ i ə lə lè Mawuci nə amə wo ?» ²⁶ Jaan nu nə wo bə: «Enyə a, əci i ɳ sə lə lè Mawuci nə mi, vò a, amə ɖeka lə miadomə, i mi íj dəsi i o. ²⁷ É lə tiin ɳgbə gbɔnɔ, nyi íj jə i a tu àfɔkpakawo lə àfɔ nə ε kpete o.» ²⁸ Ènu humna wo jɔ lə Betanii, lə Judeen tɔ a ɳgbə, lə fi Jaan lè Mawuci nə amə wo lə a.

Arengbɔvi Mawutɔ

²⁹ Lə ye ŋkəgbə a, Jaan kpɔ Yesu i ì gbɔnɔ gbo, i ì bə: «Mi kpɔ! arengbɔvi Mawu tɔ ke cɔ nə àgbətɔ wo see gɔjəjə sə kə wo a kə.

³⁰ Amə əla i nyi Amə kə y'ənyɔ i ŋ nu, gàkəmə ŋ nu bə: "Amə qeka lə tiin ŋgbə gbɔnɔ, Amə hunna wu ègan ŋ, do á le gbɔxɔ ŋ va jo."

³¹ Nyi í desi i qɛdəca o, vɔ a, ŋ va lè Mawuci nə amə wo kidə èci, nə ma qə e disa nə Izrayelə dukɔn a.» ³² Jaan d'èkunnu bə: «Ij kpɔ Mawu gbɔngbɔn dì co èji sigbə alonkùkù ənə, i va jə də ji. ³³ Nyi í desi i qɛdəca o, vɔ a, Mawu kə dɔ ŋ qidə bə ma cɔ èci lə Mawuci nə amə wo a, nu ŋ bə: "Amə kə ji aa kpɔ Mawu gbɔngbɔn la dì do, i la nɔ ji a. Amə hunna i la cɔ Gbɔngbòn Kɔkɔ sə lə Mawuci nə amə wo.

³⁴ Ènyə ñta ŋ kpɔ ənu hunna, i qə èkunnu bə ye i nyi Mawu Èvi"

Yesu ye dəkprɔvi jə ŋkɔtɔ wo

³⁵ Ye ŋkəgbə a, Jaan gbə leena, kidə ye dəkprɔvi aməvə. ³⁶ Kə i kpɔ Yesu vayikɔ a, é nu bə: « Mi kpɔ ! Arengbɔvi Mawu tɔ a kə.»

³⁷ Kə Jaan ye dəkprɔvi aməvə awo sə ənyɔ kə ì nu a, wo kprɔ Yesu do. ³⁸ Yesu trɔ kpɔ ŋgbə, i kpɔ bə wo kprɔ əye do, i ka wo sə bə: «Nukee mi lə ji?» Wó rɔn nə ε bə: «Rabi fi ə nɔnɔ?» Rabi a ye gɔmə i nyi "Ènukpramətɔ." ³⁹ Yesu rɔn nə wo bə: «Mi va kpɔ lə fi ŋ nɔnɔ a.» Wó kprɔ ε do yi ləfi i nɔnɔ a, i nɔ gbo gbona na. Ènu hunna lə jɔ lə wetrɔ gà amənə mə yiko. ⁴⁰ Andre kə nyi Simɔò Pyee ye nɔvi a, lə àdèkprɔvi aməvə ke sə Jaan ye nyɔ, i kprɔ Yesu do awo mə. ⁴¹ Andre yi i ve kpɔ nɔji a Simɔò jəŋkɔ, i nu nə ε bə: «Mí kpɔ Mesya a» Mesya a gɔmə i nyi «Kriso Xègantɔ a!» ⁴² È kprɔ ε va Yesu gbo. Yesu kpɔ

Simcò nyèngbin, i nu nə ε bə: « Éwo i nyi Simcò, Jaan y'əvi, wo a yə n'əwo bə Sefasì.» Sefasì a gəmə i nyi èkpə.

Filipù kidə Natanayelə kprə Yesu do

⁴³ Lə ye ŋkəgbə a, Yesu cɔ gbəta bə ye a yi Galilee. É dogo Filipù i nu nə ε bə: «Kprə ŋ do!» ⁴⁴ Filipù a Bətisayidatə i ì nyi, èdùgan kə mə Andre kidə Pyee ca co a. ⁴⁵ Filipù ve kprə Nathanayelə i nu nə ε bə: « Amə kə ŋu Moyizi ŋrənu do l'əsə wema mə, i Mawugbədoto wo ca wo ŋrə do a, mí kprə ε. Yesu Nazaretətə Jozefu əvi a i.» ⁴⁶ Nathanayelə nu nə Filipù bə: «Enu nyèngbin də a tə ń co Nazaretə a ?» Filipù rən nə ε bə: «Va, nə na kprə.» ⁴⁷ Kə Yesu kprə Nathanayelə gbənɔ gbo a, é nu də ŋ bə: «Mi kprə! Izrayeləvi àdòdo, kə ŋu jɔjɔ amə brədutə ɖe ŋ lə a kə.» ⁴⁸ Nathanayelə ka Yesu sə bə: «Fi ə dəsi ŋ co?» i Yesu nu nə ε bə: «Gbəxo Filipù na va yə əwo, gákəmə ə lə Figitı gəmə a, ŋ kprə əwo.» ⁴⁹ Nathanayelə nu bə: «Enukpramətə! Éwo i nyi Mawuvi a, əwo i nyi Izrayeləfyə.» ⁵⁰ Yesu nu nə ε bə: «Cagbə kə ŋ nu bə ŋ kprə əwo lə figiti gəmə a, ə xcsə, aa gbə kprə ənu kə ganŋgan wu ənə awo.» ⁵¹ É gbə nu deji bə: «Ma nu àdòdo nə mi, mi a kprə i jiŋkorı la hun, i Mawuŋədoto wo la lə yi əji, i la lə ɖi də Àgbətə yevi a ji.»

Yesu wɔ ənujiwun jəŋkətə

2 Lə ye ŋkəkə ətən a tɔ gbə a, wo lə lé alɔ lə Kana lə Galilee kanmə, i Yesu ə nana leena. ² Wó yə Yesu kidə ye dəkprəvi wo ca, də alɔlələ a toho. ³ Kə veeen va vɔ a, Yesu ə nana va nu nə ε bə: «Veeen vɔ lə wo si.» ⁴ Vɔ a, Yesu ɖo ŋti nə ε bə: « Nana, hunna ń nyi tɔcnyɔ o, tiinga ń xo hađo o.» ⁵ Ye nana nu nə amə kə lə ma ənuđuđu awo bə: «Mi wɔ ənu ɖəsyadə kə à nu nə mi a.» ⁶ Èdən kə wo cɔ əkpə sə

wɔ a, amadən leena, i jifu wo du nə əci də mə, i na sə wɔ əkənu cɔcɔ də kòkòjito. Èdən awo ɣeka ɣeka xɔ nə əci sigbə litri kavə(80) nɔmi katɔn(120) ənə. ⁷ Yesu nu nə ənuqduqumato awo bə: «Mi du əci ɖɔ ədən hunna wo.»; i wó du əci ɖɔ wo trede. ⁸ Yesu nu nə wo bə: «Ifia, mi ku i sə yi nə ənuqduqujikpɔtɔ a,» i wo ku i sə yi nə ε. ⁹ Ènuqduqujikpɔtɔ a ɖɔ əci kə trɔzun veeen a kpɔ, ñ dəsi ləfi veeen hunna co o. Vò a, ənuqduqumato kə dù əci də ədən a mə awo nya. Ènə a, ənuqduqujikpɔtɔ a yɔ nyɔrunqətɔ a, ¹⁰ i nu nə ε bə: «Veeen nyèŋgbın a i amə ɖəsyadə na nə amə wo jəŋkɔ, i nə amə wo nu àhà i ì sun wo jrɔ a, wo a va ɖə àhà kə ñ yɔ ɖo ənə a do. Vò a, wa cɔ veeen nyèŋgbın a ɖe kəkə jə ifia.» ¹¹ Dèsi jəkɔtɔ kə Yesu ɖə disa to ənu jiŋu mə a nə. Í wɔ ε lə Kana, lə Galile kanmə. Sigbə Yesu ɖə ye ɳusən disa mɔ a nə, i ye dəkprɔviwo xɔ ε sə. ¹² Hunna ɳgbə a, Yesu trɔ va yi kapenawumù, kidə ye nana, ye nɔvi wo kidə ye dəkprɔvi wo; i wo nɔ leena nə ɳkəkə hɔdeka.

Yesu nya ənusatɔwo do lə Mawusənxo

Matie 21:12-13; Makə 11:15-17; Luka 19:45-46

¹³ Dìdivayixo jifu wo tɔ ye ɖùqùzan təbɔ, i Yesu yì Jérizalemù ¹⁴ Yesu kpɔ amə wo lə sa lala wo kidə arengbɔ wo, kidə aloŋkùkù wo lə Mawu sənxo a. Í kpɔ əho ɖɔritɔwo ca i wo kanren ɖe də wo kprɔ wo to. ¹⁵ Kə i kpɔ ənə a, é cɔ əka i sə wɔ əxye, i nya wo see ji i lə Mawusənxo a, é nya wo kidə arengbɔ wo, kidə lala wo; é kaka əhodɔritɔ wo ho, i fri wo kprɔn wo də anyigbanmə. ¹⁶ Í nu nə amə kə lə sa aloŋkùkù awo bə: « Mi lɔ ənu hunna wo see ji lela, mi ñ ka cɔ tiin Dada ye xomə sə wɔ àjɔ doxo o.» ¹⁷ Ye dəkprɔvi wo ɖonu bə wo ɳrɔ ɖe bə: «Rɔnrɔn gaŋgan kə ñ wɔ ɖe nə taaxo a, lə bi l'ənyə mə

sigbə òzò ənə.»¹⁸ Vò a, jifugan wo xɔ nuxo i lè byɔ ε sə bə: «Ənujiju kə e i aa jrə, i la sə disa nə mi bə é wɔ àce ɖe, i a wɔ ənə?»¹⁹ Yesu ɖo ɳti nə wo bə: Mi gban Mawusənxo əla, naa trɔ tu i lè ɳkəkə ətɔn mə.»²⁰ Jifu wo nu nə ε bə: «Exo hoka ciadən (46) i wo cɔ d'etə i sə tu Mawusənxo əla, i wa la cɔ ɳkəkə amətɔn sə trɔ ε tu a?»²¹ Vò a, Mawusənxo kə ə nyɔ Yesu lè nu a, i nyi ye ɳtiran.²² Yeido, gákəmə Yesu nyɔ co əku a, ye dəkprɔvi wo ɖoŋu bə, é nu ənə nə yewo kpɔ; i wó xɔ ənu kə wo ɳrɔ də Mawunyɔ wema me awo kidə ənyɔ kə Yesu nu nə wo awo sə.

²³ Gákəmə Yesu lè Jérizalemù lè dìdivayixo gamə a, amə sùgbɔ xɔ ε sə, ɖo wo kpɔ dəsi kə i ɖe disa to ənujiju mə awo. ²⁴ Vò a, Yesu ń ka də wo ji o, ɖo é dəsi wo see nyɔŋgbin;²⁵ ń gbə hian bə wo a nu ənyɔ ɖə nə ε də amə ɖə ń o, ɖo ye ɳta dəsi ənu kə lè àgbətɔ wo ye mə a.

Nikodemù va Yesu gbɔ

3 ɿucu ɖeka lè farizì wo mə, i wo yɔ nə ε bə Nikodemù; é nyi ɖeka lè jifu gan wo mə.² É ve kpɔ Yesu l'əzan mə, i nu nə ε bə: «Ənukpramətɔ, mí nya bə Mawu i dɔ əwo ɖiqa nə na kpra ənu mí, ɖo amə ɖe ń ka tə ń ɖə dəsi hunu wo disa to ənujiwun kə ə lè wɔ awo mə nə Mawu ń lè kidə e o.»³ Yesu rɔn nə ε bə: «Ma nu àdòdo n'əwo: nə amə ɖe ń gbə ɖekia ɖe i wo trɔ ε ji o, ń ka tə ń kpɔ Mawu fyɔ ɖuɖu o.»⁴ Nikodemù lè ka ε sə bə: «Nə wo a wɔ mɔ i la tə ń trɔ amə kə cin a ji ? A gbətɔ ɖo ye nana dɔnmə, i wo a trɔ ε ji zəvə a tɔ i à?»⁵ Yesu rɔn nə ε bə: «Ma nu àdòdo n'əwo, nə wo ń ji amədə to èci kidə Gbòngbòn Kɔkɔ mə o, ń ka tə ń ɖo Mawufyɔ ɖuɖu mə o.»⁶ Amə kə àgbətɔ ji a, àgbətɔ i ń nyi, amə kə wo ji to Gbòngbòn Kɔkɔmə a, nyi

Gbòngbòn Kòkò tò. ⁷ Í ka kpaca əwo bè ï nu nè wo bè: "E lè vèvèdè bè mia gbè mia dèki wo dè nè wo a trò mi ji o". ⁸ Aya xo nò yi lèfi jro e a, i è sè nò ye xoxo, vò a, ï nya nò fi ì cò nò nòmì fi ì yìkò o. Nènè kè i ì gbè nyi nè amèsyamè kè wo ji to Gbòngbòn Kòkò mè a nè.» ⁹ Nikodemù nù nè è bè: « Nè ənu a tè ï nyi ənè mò? » ¹⁰ Yesu nu nè è bè: « Ènukpramètò gañgan dèka i è nyi lè Izrayelè, i ï dèsi ənu hunna wo à? » ¹¹ Ma nu àdòdo n'èwo: « Ènu kè mí nya a, ye nyɔ i mí lè nu, i mí lè dè èkunnu co ənu kè mí kpɔ a ï, gañkè mi í xɔ mía kunu dède sè o. ¹² Nè ï lè nu ənyɔ nè mi dè anyigban əla ənu wo ï, i mi í xɔ sè o, nè mi a wò mò i la xɔ tiinyɔ sè gàkèmè na va lè nu ənyɔ nè mi dè ənu kè lè sèxo awo ï a? ¹³ Amè dèken í yi sèxo gbɔ kpɔ gbèdè, zèn lè Àgbètò Èvi kè dì co sèxo a ï o. ¹⁴ I sigbè Moyizì cò ədan dè èji lè zògbèji a, nènè kè i wo a cò Àgbètò Èvi a dè èji a nè. ¹⁵ Nè amèdèsyadè kè a xɔ ε sè a, na kpɔ àgbè mavɔ. ¹⁶ Nyawo a, Mawu rɔn àgbètò wo dò ənè, i cò Èvi a àkoŋgo sè na, nè amè dèsyadè kè a xɔ ε sè a, í ka crɔn o, vò a, na kpɔ àgbè mavɔ. ¹⁷ Ðo, Mawu í dò Èvi a dìda xixè a mè, nè à va dò kojo nè xixè a o, vò a, È dò ε dìda nè xixè a na kpɔ xègan toji. ¹⁸ Amè kè xɔ È sè a, wo í ka dò kojo nè ε o, vò a, amè kè í xɔ È sè a, wo dò kojo nè ε vɔ. Ðo í xɔ Mawu Èvi akonjò a sè o. ¹⁹ Ènu kè dò i Mawu la dò kojo a, kè: « Kèkrè va xixè a mè, vò a, amè wo rɔn zubru wu kèkrè a, dò wo nu wɔwɔ wo baða. ²⁰ Amè dèsyadè kè wɔ nè ənunçen a, gbè nè kèkrè, i ï ji nò a tèbɔ ε o, dò è vɔnɔnɔn nò, cagbè enunçen kè i wɔ nò awo í ka jè gbañgba o. ²¹ Vò a, amè kè kpɔ nè àdòdo a do lè y'enù wɔwɔ wo mè a, va nè kèkrè nu, nè amè wo na kpɔ ənu jè ənyɔε kè ì wɔ nò awo ï, dò y'enù wɔwɔ wo sògbè kidè Mawu ye jromènu.

Yesu kidə Jaan Mawucilə namətə a

²²Lə hunna ɳgbə a, Yesu kidə ye dəkprövi wo yi Judee kanmə, É nə leena kidə wo, i lə lə Mawuci nə amə wo. ²³Jaan ca lə lə Mawuci nə amə wo lə Ayinco, lə ma diŋdin mə də Salimù, qo ḥci sùgbə leena. Amə wo yi nə gbə, i a lə lə Mawuci nə wo. ²⁴Do wo ý lə Jaan də gákpmə ganamə o. ²⁵Énə a, àdqikà dàdə qeka qo Jifu qeka kidə Jaan ye dəkprövi wo domə, də còcə də kòkò ji y'ekonu wɔwɔ ñ. ²⁶Wo yi Jaan gbə, i ve nu nə ε bə: « Énukpramətə, amə kə nə Judeen tə ɳgbə kidə əwo qədəca, i ə d'èkunnu nə ε a ca lə lə Mawuci nə amə wo, i àgbətə sùgbə lə yi gbə.» ²⁷Jaan nu nə wo bə: « Nə Mawu ý na ənu qə amədə o, ý ka tə ñ kpc ε o. ²⁸Mia ɳta wo mi a d'èkunnu ñ bə, ñ nu bə: " Ý nyi ənyə i nyi Kriso Xègantə a o, vò a, Mawu də ñ qida i ñ jə ɳkə nə ε. ²⁹Nyɔrunqətə tə i nyi nyɔrun, vò a, nyɔrunqətə a ye xrc nə nə gbə, i nə i lə sə nyɔrun qetə a ye gbə a, ə kpc nə jijè. Nənə i ɳca ñ lə kpc jijè ifia nə, i tiin jijè kpc kpc lə brəbu. ³⁰É jə bə ye ɳkə na lə yi əji, nə tinyə na lə yi àgəmə.

Amə kə co səxo va a

³¹Amə kə co səxo va a, wugan ənu qəsyadə. Amə kə lə anyigban ji a, anyigban ji tə i ì nyi, i nu nə anyigban ji ye nyɔ wo. Vò a, amə kə co səxo va a wugan ənu qəsyadə nyawo. ³²É qə nə èkunnu nə ənu kə i kpc a, kidə ənu kə i sə a. Vò a, amədə ý xɔ nə ye kunu qədə o. ³³Amə kə xɔ ye kunu qədə awo qe nə disa bə Mawu nu n'ənyɔ dòdo. ³⁴Amə kə Mawu də qida a, Mawu nyɔ i ì nu nə. Do Mawu ý qə nə rixo nə ye Gbòngbòn kə i na nə amə kə i də qida a o. ³⁵Dàdà a rɔn ḥvi a, i cɔ ənu wo see də àsi mə nə ε. ³⁶Amə kə xɔ ḥvi a sə a, kpc

àgbè mavɔ; vò a, amə kə ñ sə nə ètonu nə èvi a, ñ ka kpɔ àgbè mavɔ o, i Mawu ye xoməfyen lə amə hunna ji."»

Yesu xonu kidə nyɔrun Samari tɔ ɖeka

4 Yesu nya bə Farizì wo sə bə ye lə wɔ i amə sùgbɔ lə trɔzun àdèkprɔvi wo wu Jaan, i ye gbə lə lè Mawuci nə amə wo wu i. ²Vò a, lə àdòdo mə a, Yesu ñta ñ lə lè Mawuci nə amədə o, ye dèkprɔvi wo i lə lè e nə amə wo. ³Enə a, É co lə Judee kanmə, i trɔ yi Galilee kanmə. ⁴É ɖo la to Samari kanmə. ⁵Enə a, Yesu va ɖo Samaridugan ɖeka kə wo yɔ nə bə Sicaa à mə, lə ma diŋdin mə də anyigban kə Jakɔbù na èvia Jozefù ɖeɖeca à. ⁶Leena tutu i Jakɔbù èdotɔ lə. Kə ənu tikɔ nə Yesu cagbə èmɔ kə i zɔn a tɔ a, É kanren də èdotɔ a to. É va leena lə gawivə mə ənə. ⁷Nyɔrun Samaritɔ ɖeka va èci dù gbə. Yesu nu nə ε bə: «Na èci ñ, ma nu.» ⁸Ganamə a, ye dèkprɔviwo yi ənuqùdù xrə gbə l'èdùgan a mə. ⁹Vò a, nyɔrun Samaritɔ a nu nə ε bə: «Nə əwo kə nyi Jifù a, la va lə byɔ èci nunu ənyə kə nyi nyɔrun Samaritɔ a mɔ? Do Jifu wo kidə Samaritɔ wo ñ nyinɔ o.» ¹⁰Yesu ɖo ñti nə ε bə: «È nyi ə mene dəsi Mawu y'enu nana, i dəsi amə kə byɔ əwo^a bə: "Na èci ñ, ma nu i a", əwo i la byɔ ε, i à na əwo èci kə na nə àgbè amə a.» ¹¹Nyɔrun a nu nə Yesu bə: «Aməgan, ənu duci ñ lə àsi əwo o, i ètɔ a ca yigu. Fi aa ji èci kə na nə àgbè amə a co? ¹²Wa wugan mía tɔgbì Jakɔbù, kə kù èdòtɔ əla ɖe nə mí, i ye ñta nu y'eci, èvia wo kidə y'eran wo ca wo nu a i à?» ¹³Yesu rɔn nə ε bə: «Amə ɖesyadə kə a nù èci əla a, ècigɔmə la gbə ten ε; ¹⁴vò a, amə kə la nù èci kə naa na ε a, ècigɔmə ñ ka gbə ten ε gbədə o; ɖo èci kə maa na ε a, la trɔzun ètɔjɔxo kə mə èci kə na nə àgbè mavɔ amə a ca nɔ co a. ¹⁵Nyɔrun a nu nə ε bə: «Aməgan,

na ï òci hunna, nə òcigomə ï ka gbə ten ï, nə nyi ï ka gbə va nə òci dù gbə lə lela o.»¹⁶ Yesu nu nə ε bə: «Ve yə àcu əwo, nə mi a trɔva lela.»¹⁷ Nyɔrun a rɔn nə ε bə: «Nyi ï wə àcu qə o.» Yesu nu nə ε bə: «Àdòdo i ə nu bə: "Nyi ï wə àcu qə o";¹⁸ Đo ə qə ñjucu amàtɔn kpɔ va yi vò, i ñjucu kə ə l'ədu qə kidə ifia a, ï nyi àcuwo o. Àdòdo i ə nu.»¹⁹ Nyɔrun a nu bə: «Aməgan, ï kpɔ ifia bə Mawugbədɔtɔ i ə nyi.²⁰ Míá tɔgbì wo sən Mawu lè èto əla ji, vò a, miawo Jifu wo mi nu nə bə ləfi wo qo la sən Mawu lə a, i nyi Jéruzalemù.»²¹ Yesu nu nə ε bə: «Àxonɔ, xò tiin nyɔ sə; ègà a mə la va sun, i ï ka gbə nyi èto əla ji nɔmì Jéruzalemù i mia sən nə Dàdà a lə o.²² Miawo Samaritɔ wo a, mi lə sən amə kə mi ï dəsi a; vò a, míawo Jifu wo mí dəsi amə kə mí lə sən a, qo Jifu wo gbɔ i xògan a co.²³ Vò a, ègà a mə la va sun, ə ha va ca vɔ, i Mawusəntɔ àdòdotɔ wo a sən Dàdà a lə gbòngbòn mə kidə lə àdòdo mə. Đo Mawusəntɔ hunna mɔkiwo i Dàda a lə ji.²⁴ Mawu a, Gbòngbòn i ï nyi, yeidɔ amə kə lə sən ε awo qo la sən ε lə Gbòngbòn kidə lə àdòdo mə.»²⁵ Nyɔrun a nu nə ε bə: «I nya bə Xògantɔ a qo la va. Amə kə wo yə bə Kriso a, nə ì va a, a qə ənu wo see gɔmə nə mí.»²⁶ Yesu nu nə ε bə: «Ènyə kə nyi Kriso Xògantɔ a, i lə xonu kidə əwo kə.»²⁷ Ènyɔ hunna wo i wo lə nu qədə i, Yesu ye dəkprɔviwo va. Kə wo kpɔ bə Yesu lə xonu kidə nyɔrun a, ə kpaca wo taŋ, vò a, woo qəken ï tə ï ka ε sə bə: Nukee ì lə ji ? nɔmì "Nukeejɔ i ì lə xonu kidə e o?"²⁸ Nyɔrun a gbə ye zə qə, i yi èdùgan a mə i ve nu nə aməwo bə:²⁹ «Mi va kpɔ, ñjucu qəka kə. Ê nu ənu kə ï wə awo see ï! I nya nyi Kriso Xògantɔ a i qəifia a?»³⁰ Ènə a, amə wo do co èdùgan a mə, i yìkɔ Yesu gbɔ.³¹ Ganamə a, Yesu ye dəkprɔviwo tɔ akpə dədə nə ε bə na va qù ənu.³² Vò a, Ê nu nə wo

bə: «Ènuqùdqù qeka lə asinyə i maa qù, vò a, ènuqùdqù huna a miawo mi ñ dəsi o.»³³ Ènə a, àdèkpròvi awo lə nu lə woqəkiwo domə bə: «Nɔmi amə qə hən ènuqùdqù va nə ε i à?»³⁴ Yesu nu nə wo bə: «Tiin nu qùdqù i nyi bə, ma wɔ amə kə də ñ qidə a ye jromənu, i la wɔ əcə kə i də ñ a, sə yi vòvò mə.»³⁵ Mi nu nə bə: "Lə wreti amənə ñgbə a, ènuku wo jiji gamə la qo, vò a, nya ñ lə nu nə mi bə: Mi kə əta yì əji nə mia kpɔ èbò wo ji qidə, ènuku awo cin nə jiji vò !"³⁶ Ènukujitə a, xɔ nə ye fəntu, é bɔ nə ènuku awo qə nə àgbə mavɔ, nə ènukudotə a, kidə ènukujitə və na bɔ i kpɔ jìjɔ.³⁷ Ènə a, ènyɔ kə amə wo nu nɔ, bə: "Aməqəka do nə ènu, i amə bulɔmə na ji ènu a" nyi àdòdo.³⁸ Ñ dɔ mi qidə ènuku ji gbə l'èbò kə mə mi ñ jə tukaða qekən lə a, amə bulɔmə wo i jə tukaða l'èbo a mə, i mi va lə qù əcə kə wo wɔ a ye lə.»³⁹ Samaritə kə lə èdùgan hunna mə awo sùgbɔ xɔ Yesu sə, cagbə èkunnu kə nyɔrun hunna qə a tɔ. Yei nyi bə: « È nu ènu kə ñ wɔ a see ñ.»⁴⁰ Ènu hunna i dɔ, kə Samaritə wo yi Yesu gbɔ a, wo də akpə nə ε bə na nɔ Ye wo gbɔ. Yesu nɔ wo gbɔ nə ñkəkə aməvə.⁴¹ Amə sùgbɔ gbə xɔ Yesu sə, cagbə ènyɔ kə yeñta nu nəwo a tɔ.⁴² I wó nu nə nyɔrun a bə: « Ñ nyi ènyɔ kə ə nu nə mia qədə i dɔ, i mi xɔsə o, vò a, ə xonu i mianjtawo mi sə, i mi nya bə yei nyi xixə a xɔgantə nyawo.»

Yesu vɔ əcə nə əfyɔdəwətəgan qeka ye vi

Mati 8:5-13; Luka 7:1-10

⁴³ Lə ñkəkə aməvə ñgbə a, Yesu co lə leena i yì Galilee.⁴⁴ Yeñta ñ'èkunnu qədəca bə, wo ñ na nə bùbù Mawugbədotə qə lə yeñta du mə o.⁴⁵ Gañkə kə i yi Galilee a, Galileetə wo xɔ ε nyɔñgbin, qo wo ñta wo ca yì dìdivayixo a qugbə lə Jéruzalemù, i wo kpɔ ènu kə Yesu

wɔ l'exo a gamə awo see. ⁴⁶ Yesu trɔ va Kana lə Galilee kanmə, lə ləfi i cɔ èci trɔ veeen lə a. Efycɔcwɔtɔgan qeka le, i nɔnɔ Kapenawumù, i əvia ñucuvi l'ədɔ qɛ. ⁴⁷ Kə i sə bə Yesu co Judee i va Galilee a, é yi i ve kpɔ ε, i də àkpə nə ε bə na yì Kapenawumù i la wɔ èdɔ nə ye vi ñucuvi, kə lə xokubaða a. ⁴⁸ Yesu nu nə ε bə: «Nə mi ï məne kpɔ amrimanu wo kidə ənu jiwun wo o, mi ï ka xɔsə Gbəqə a!» ⁴⁹ Efycɔcwɔtɔgan a nu nə ε bə «Aməgan, ï də akpə n'əwo, nə ï yi kaba o, əvinyə la ku.» ⁵⁰ Yesu nu nə ε bə: «Trɔ yi àxomə, əviwo l'agbè qɛ.» Ñucu a xɔ ənyɔ kə Yesu nu nə ε a sə, i jəŋkɔ àxomə. ⁵¹ Àxomə mɔ a ji i ì lə, i ye məsəntɔ wo va dogo e, i nu nə ε bə: «Èviwo l'agbè qɛ!»

⁵² Efycɔcwɔtɔgan a ka wo sə bə: «Ègà kə e mə i ì tɔ qeekia məkpkɔkpɔ?» I wo rɔn nə ε bə: «Ècɔ lə wetrɔ gaðeka mə ənə i vùnvà à wɔ nə ε.» ⁵³ Dàda a ñowun bə ègà hunna mə tututu i Yesu nu nə ε bə: «Èviwo l'agbè qɛ.» Ènə a, ye kidə ye xomətɔwo see xɔ Yesu sə. ⁵⁴ Dèsì zəvə a tɔ kə Yesu qə disa to ənu jiwun mə a nə. Gakəmə i trɔ co Judee i va Galilee jrɔ a, i ì wɔ ε.

Yesu wɔ èdɔ nə ñucu kprɔbɔ nɔ qeka

5 Lə hunna ñgbə a, Jifu wo kà ðu wo sənsən xo qeka, i Yesu yì Jərizalemù. ² Lə èdùgan hunna mə, lə arengbɔ wo gbo kpaðeka a, wo kù ècilətɔ qeka də leena, i wo yɔ nə ε də Ebregbə mə bə Betizata. Wo gba àgbèxɔ amatɔn xixra də ətɔ a, ³ i dònnɔ sùgbɔ na mre qe də àgbèxɔ hunnawo gòmə: Ñkuvitɔnɔ wo; əsəkunɔ wo; kidə kprɔbɔnɔ wo; [i wo a nɔtə kpɔ èci a hwanhwan qe. ⁴ Ðo Mawujədotɔ qeka ñinɔva gàðəwo mə, i na hwan èci a. Nə èci a hwan troðo a, dònnɔ kə jə ətɔ a mə jəŋkɔ a, nə i na bə l'ədɔ qəsyadə qe a, e wɔ nɔ.]* ⁵ Ñucu

* 5:4 Wema xoxo qewo le, i wo ï wɔ akpa əla xo qe o

qèka l'èdè dè co èxo ègban cinyi (38) ⁶ Yesu kpɔ ε i ì mre dè, kè i nya bè é lè ètɔ a to dè è dijndin a, é ka ε sè bè: «È ji bè tɔcɔdɔ na vɔ à?» ⁷ Dònnà a rɔn nè ε bè: «Amègan, nyi Í wɔ amèdè dè i à cɔ ï dè èciletɔ a mè, gàkèmè wo hwan nè èci a o. Gàkèmè ma lè jè àgbàgbà bè ma ve dè mè a, amèbu na qɔmè jèñkɔ ï.» ⁸ Yesu nu nè ε bè: «Co, nè na cɔ tɔoba, i zɔn.» ⁹ I zèqèka a, ñucu a y'edɔ vɔ, i ì cɔ ye ba i tɔ zɔnzɔn. Gbona dè nyi Jifu wo gbòngbònzungbè. ¹⁰ Cagbè hunnatɔ a, Jifumèganxo wo nu nè ñucu kè èdè vɔ nɔ a bè: «Ègba a, gbòngbònzan i, èsè ï n'agbè bè na cɔ tɔoba o.» ¹¹ Vɔ a, é dè ñti nè wo bè: «Amè kè vɔdè ï a i nu ï bè: "Cɔ tɔoba, i zɔn."» ¹² Wó ka ε sè bè: «Mèe i nyi amè kè nu nèwo bè: "Cɔ tɔoba, i zɔn a?"» ¹³ Vɔ a, amè kè èdè vɔ nɔ a, ï dèsi amè kè vɔ èdè nè ε a o, dè Yesu bù dè e lè amè sùgbɔ kè bɔ dè leena dè awo domè. ¹⁴ Lè kina ñgbè a, Yesu kpɔ ε lè Mawusènxo a, i nu nè ε bè: «Ifia kè èdè vɔ nè əwo a, ka gbè jè àgò o, nè Í nyi ənè o, ənu kè la xa əwo a la gbè nyra wu.» ¹⁵ Ñucu a yì i ve nu nè Jifugan wo bè Yesu i vɔdè n'aye. ¹⁶ Cagbè ənu hunnatɔ a, Jifugan wo tɔ Yesu ə fɔ jiji, dè è vɔdè nè amè lè gbòngbònzungbè. ¹⁷ Vɔ a, Yesu nu nè wo bè: «Tiin Dada lè wɔ ədè kékè va ifia, i ñca ï lè wɔ èdè.» ¹⁸ Cagbè hunna tɔ a, Jifugan wo gbè lè ji a wu Yesu; dè Í nyi gbòngbònzan dèdè i ì lè qù əkɔ nɔ o, vɔ a, é gbè lè nu bè Mawu nyi ye Dada, i lè cɔ qèekia sɔ kidè Mawu.

Àce kpakpa kè Yesu wɔ dè a

¹⁹ Yesu xɔ ənyu cɔ, i nu nè wo bè: "Ma nu àdòdo nè mi; Èvi a Í ka tè ï wɔ ənu dè lè qèekia simè o; vɔ a, ənu kè i kpɔ i Dàdà a lè wɔ a i ì wɔcɔ; dè ənu kè Dàdà a wɔ nɔ a, ye mɔki i Èvia ca wɔ nɔ.» ²⁰ Do Dàdà a rɔn Èvia, i dinësa ənu kè ye ñta wɔ nɔ awo see nè ε; a gbè disa ənu

kè ganjan wu əla awo nə ε, i à kpaca mi. ²¹ Ðo sigbə Dàdà a nyɔ nə aməkuku wo, i na nawo àgbè a; nənə kə i Èvia ca na nə àgbè amə kə jro e awo. ²² Dàdà a ï dø nə kojo nə amə dø o, È cɔ àce wo see də àsi nə Èvi a, nə à dø kojo ²³ nə amə dəsyadø na bù Èvi a, sigbə wó na nə bùbù Dàdà a ənə. Nə amədø ï bù Èvi a o, η bù Dàdà kə dɔ ε dñda a o. ²⁴ Ma nu àdòdo nə mi: Amə kə sə tiinyɔ, i xɔ amə kə dɔ η dñda a sə a, kpɔ àgbè mavɔ. Wo ï ka gbə dø kojo nə ε o, dø é to èku mə, i va àgbè. ²⁵ Ma nu àdòdo nə mi: Ègà a mə la va sun, ə ha va ca vɔ, i aməkuku wo a sə Mawuvi a ye gbə, i amə kə la sə y'egbə awo la nō àgbè. ²⁶ Ðo sigbə Dàdà a wɔ àgbè dø lə ñekia mə a, nənə kə i ì na, i Èvia ca wɔ agbə dø lə ñekia mə a nə. ²⁷ È na ε àce bə na dø kojo kidə àgbètɔ wo, dø é nyi Àgbètɔ Èvi. ²⁸ Ènu əlawo ï ka kpaca mi o, ègà a mə la va sun, i aməkuku kə lə əyçdomə awo see la sə Àgbètɔ Èvi a y'egbə. ²⁹ Amə kə wò ənyɔe awo, wo a nyɔ wo co èku, i la na wo àgbè mavɔ. Vò a, amə kə wò ənɔen awo, wo a nyɔ wo co èku i la ñokojo nə wo. ³⁰ Nyi ï ka tə η wɔ ənu ñekèn lə tiin ce mə o. Ènu kə Dàda a nu ï a, i η sə dø nə kojo. I tiin kojo ñodo sɔgbə. Ðo nyi ï jinɔ a wɔ nyiñta ənujro o, vò a, ma wɔ amə kə dɔ η dñda a jromənu.

³¹ « Nə η d'èkunnu nə ñeekinyə a, tiin kunnu ñedø η ka nyi àdòdo o; ³² Vò a, amə bulɔmə i lə d'èkunnu η, i η nya bə èkunnu kə i lə ñe η a nyi àdòdo. ³³ Mi dɔ amə wo ñida Jaan, i i ñeekunnu nə àdòdo a. ³⁴ Ènyə a, nyi ï hian bə àgbètɔ na d'èkunnu η o, vò a, η nu ənə cagbə nə Mawu na xɔ mi gan. ³⁵ Jaan wɔ dø sigbə kañde kə wo tɔ i i lə xɔ ənə, i mi rɔn i kpɔ jijì lə ye kèkrə nu nə gàmə hɔdèka. ³⁶ Vò a, η wɔ èkunnu ñedø dø, i i wugan Jaan tɔ. Ðo èdɔ kə tiin Dada cɔ də asinyə bə ma wɔ a, η lə wɔ ε, èdɔ hunna i lə ñeekunnu η bə Dàda a i dɔ η

diđa. ³⁷Dàdà kə dō ñ diđa a ñta d'èkunnu ñ. Vò a, mi ñ sə y'egbè kpɔ o, i mi ñ kpɔ ε kpɔ o. ³⁸Ye nyɔ ñ lə miamə o, dō mi ñ xɔ amə kə ì dō diđa a sə o. ³⁹Mi a lə kpra mawunyɔ, dō mi bù nɔ bə yei la na yewo àgbè mavɔ. Vò a, Mawunyɔ a, ənyə i ì d'èkunnu nɔ. ⁴⁰Ganjə mi ñ ləji a va əgbənyə i la kpɔ àgbè o. ⁴¹Nyi ñ ji nɔ bə àgbətɔ wo na kafu ñ o. ⁴²Vò a, ñ dəsi mi; i nya bə mi ñ dō rɔnrɔn nə Mawu o. ⁴³Tiin Dada ñkɔ mə i ñ va lə, i mi ñ xɔ ñ o. Vò a, nə aməbu va lə ɖeekia ñkɔ mə a, mi a xɔ ε. ⁴⁴Miawo kə na lə ji kàfù kafu kə co nɔ miađekiwo gbɔ, i mi ñ jinɔ kàfùkafu kə co Mawu ɖeka tɔtɔ a gbɔ o. Nə mia tə ñ xɔ sə mɔ? ⁴⁵Mi ñ ka bù bə ənyə i la dohwɛ mi lə tiin Dàda ñkɔ o; Moyizì kəji mia ñkuviđodo lə a, i ka dohwɛ mi. ⁴⁶Nə mi mə ne ka də Moyizì ji nyawo a, mia ka də ñca ji, dō ənu kə Moyizì ñrɔ awo, əñjunyə i wo xonu do. ⁴⁷Nə mi ñ ka də ənu kə ì ñrɔ a ji o, nə mia tə ñ ka də ənyɔ kə ñ lə nu a ji mɔ?»

Yesu na ənuđùđù àgbətɔ sùgbo

(Matié 14:13-21; Makə 6:30-44; Luka 9:10-17)

6 Lə ənu hunna ñgbè a, Yesu zən Galileetɔ kə wo gbè yɔnɔ bə Tiberiadətɔ a jə àgə ɖeyaji. ²Amə sùgbo lɔ àhwà kpɔ ε do, dō wo kpɔ ənujiwun kə ì lə wɔ, sə lə vɔ ñdò nə amə wo a. ³Yesu ra ñto ɖeka ji, i kanren də leena kidə ye dəkprɔviwo. ⁴Jifu wo xo kə nyi ðìdivayixo a, i təbɔ. ⁵Yesu kɔ əta, i kpɔ àgbətɔ sùgbo lɔ ahwa gbɔnɔ gbɔ, i ì nu nə Filipù bə: «Fi mí a kpɔ kpɔnɔ xrə lə, i amə əla wo, a ñù?» ⁶Í nu ənə i sə lə do e kpɔ, dō é nya ənu kə ì ka wɔ a. ⁷Filipù rɔn nə ε bə : « Nə mí cɔ ñhoga katɔn (200) i sə xrə kpɔnɔ ca a, ñ ka sun nə amə ɖeka ɖeka na kpɔ hɔđeka ñù o.» ⁸Andre, Simɔɔ Piyee ye nɔvi, ke nyi ɖeka lə Yesu ye dəkprɔvi wo mə a nu nə ε bə:

⁹ «Ijucuvi qeka lela, i wɔ kpɔnɔ amatɔn kidɛ ðexwɛ aməvɛ qɛ; vɔ a, nukee hunna la tɛ í wɔ nɛ amɛ kpantɔ kpanɔ əlawo ?» ¹⁰ Yesu nu bɛ: «Mi nu nɛ amɛ awo see na kanren.» Ègbè wriwri sùgbɔ leena, i wo kanren dɛ ji. Ijucu aməganxo kɛ lɛ wo mɛ awo sun bratɔn amatɔn (5.000) ənə. ¹¹ Ènə a, Yesu xɔ kpɔnɔ awo, i do akpə nɛ Mawu, i ma ε nɛ amɛ kɛ kanren qɛ awo. Nənə kɛ i ì gbɛ ma əxwɛ awo nɛ wo nɛ; i aməsyamɛ xɔ sigbɛ ì jro e a. ¹² Kɛ wo qù ənu i ɖɔxɔ a, Yesu nu nɛ ye dəkprɔviwo bɛ: « Mi can kɛ kpɔtɔ a bɔ, nɛ èdɛ Í ka dɔn o.» ¹³ Wo lɔ kpɔnɔ kɛ kpɔtɔ a, i ì ɖɔ kisi aməwivɛ. Gaŋkɛ kpɔnɔ amatɔn i wo wɔqɛ qɛdɛca. ¹⁴ Kɛ amɛ wo kpɔ ənujiwun hunna kɛ Yesu wɔ a, wo nu bɛ: «Mawugbədɔtɔ kɛ qɔ la va xixɛ a mɛ a i ì nyi nyawo.» ¹⁵ Vɔ a, kɛ Yesu nya bɛ wo a va l'eye d'egan ŋ, i la cɔ ye əfyɔ a, é gbɛ co, i yì èto ji yedekɛn.

Yesu zɔn to ètɔ ji

Matie 14:22-33; Makə 6:45-52

¹⁶ Kɛ fienyigbɔ sun a, Yesu ye dəkprɔvi wo qì va Galilee tɔ a to. ¹⁷ Wo qɔ ètɔjihun qeka mɛ, i yìkɔ Kapenawumù lè àgə qeyají; əzan qɛ do i Yesu íj qɔ wo gbɔ haqɔ o. ¹⁸ Aya gaŋgan qeka lè xo, i ètɔ a lè àdan ji qɛ. ¹⁹ Kɛ Yesu ye dəkprɔvi wo kù ètɔjihun a yi sigbɛ əmɔjrəkpo amatɔn nɔmi amadən ənə a, wó kpɔ Yesu i ì zɔn to ètɔ a ji gbɔnɔ ètɔjihun a gbɔ. Vɔnvɔn jé wo ji. ²⁰ Vɔ a, Yesu nu nɛ wo bɛ: «Enyɛ i, vɔnvɔn í ka ji mi o!» ²¹ Àdèkprɔvi awo ləjì a cɔ ε də ètɔjihun a mɛ, qədəvɔ a, əhun a ve gri də ètɔ a to ləfi wó yìkɔ a.

²² Kɛ ənjukɛ a, amɛ kɛ ci àgə qeyají n'ètɔ a, wo kpɔ bɛ ètɔjihun qeka qədə i lè ètɔ a to. I wó nya bɛ Yesu íj qɔ ètɔjihun a mɛ kidɛ ye dəkprɔviwo o. Àdèkprɔvi awo qədə i qɔ ètɔjihun a mɛ. ²³ Vɔ a,

Etɔjihun buwo co Tiberiadə, i gri təbə ləfi Àxotə xodə də kpɔnɔ ji lə, i wo qù a. ²⁴Kə amə wo ñ kpɔ Yesu o, i wó ñ kpɔ ye dəkprɔvi wo ca a; wó qo etɔjihun hunna wo mə, i yì Yesu ji gbə lə Kapenawumù.

Yesu i nyi kpɔnɔ kə na nə àgbə amə a

²⁵Kə amə awo ve kpɔ Yesu l'etə a ŋgbə a, wo lə ka ε sə bə: «Enukpramətɔ, gàkeemə i ə vayi lela ?» ²⁶Yesu rɔn nə wo bə: «Ma nu àdòdo nə mi, ñ nyi ənujiṇu kə ñ jrə, i mi kpɔ awo i dɔ i mi lə ji ñ o, vò a, kpɔnɔ kə mi qù dɔxo a i dɔ. ²⁷Mi ñ ka wɔ nə èdɔ i sə ji nɔ ənuqùdù kə da n'əhən a o, vò a, mi wɔ nə èdɔ i sə jin cə ənuqùdù kə nɔ nə anyi, i na nə àgbə mavɔ a. ənuqùdù hunna a, Àgbətɔ əvi a la na mi, qo Mawu Dàda a cɔ y'ece də àsi nə ε.» ²⁸Wó nu nə ε xotɔn bə: «Nukee jə bə mí a wɔ, i la təŋ wɔ Mawu dɔ?» ²⁹Yesu rɔn nə wo bə: «Èdɔ kə Mawu ji bə mi a wɔ a, i nyi mi a xɔ amə kə i dɔ qidə a sə.» ³⁰Wó xògbə nə ε bə: « Enujinu kə e lə wɔ i mi a kpɔ, i la xɔ əwo sə ? Èdɔ kə e ə lə wɔ? ³¹Mía tɔgbinwo qù manà lə zògbəji, sigbə wo ŋrɔ ε qdε bə: «Í na wo kpɔnɔ kə co səxo.» ³²Vò a, Yesu nu nə wo bə: « Ma nu àdòdo nə mi, ñ nyi Moyìzì i na mi kpɔnɔ kə co jiŋkori a o. Vò a, tiin Dada i lə na mi kpɔnɔ àdòdo kə co jiŋkori a. ³³Đo kpɔnɔ kə Mawu na a, i nyi amə kə dí co səxo i va na àgbə xixə a a.» ³⁴Wó nu nə ε bə: «Aməgan, na nə kpɔnɔ hunna mi tegbeε!» ³⁵Yesu nu nə wo bə: «Enyə i nyi kpɔnɔ kə na nə àgbə amə a, amə kə la va əgbɔnyə a, fifə ñ ka gbə lə e gbədə o, i amə kə la xɔ ñ sə a, èci gɔmə ñ ka tən ε gbədə o. ³⁶Vò a, ñ nu i nə mi vò: mi kpɔ ñ vò, ganjkə mi ñ xcsə o. ³⁷Amə kə Dàda a na ñ awo see la va əgbɔnyə, i amə kə la va əgbɔnyə a, nyi ñ ka nya ε o. ³⁸Đo nyi ñ co səxo va, i la wɔ nyiŋta jromənu o. Vò a, ñ va i la wɔ amə kə dɔ ñ qidə a ye jromənu. ³⁹Amə kə dɔ ñ

qidà a jromènu i nyi, amè kè i cò dè àsi ñ awo déken í ka bù o, vò a, ma nyè wo see co l'èku lè nkèkè ngbèsitò gbè. ⁴⁰ Ènu kè tiin Dada jro a i nyi amè kè kpò Èvi a, i xò è sè a na kpò àgbè mavò, i ènya maa nyè co l'èku lè nkèkè ngbèsitò gbè.» ⁴¹ Co ègà hunna mè a, Jifu wo tò nuxo xoxo dè Yesu ñ, cagbè kè i nu bè: «Ènyè i nyi kpònu kè co jiñkori va a.» ⁴² Wó gbè nu dèji bè: «Í nyi Yesu, Jozefù èvi a nè a ? Mí ñ dèsi ye dada kidè ye nana à ? Nè à tè ñ va nu nè mi ifia bè ye co sèxo mò ?» ⁴³ Yesu xò nuxo i nu nè wo bè: «Mi gbè nuxo xoxo lè mia dékiwo domè qè ! ⁴⁴ Amè déken í ka tè ñ va ègbonyè, nè Dàdà kè dò ñ qidà a ñ dòn è va o, i ènya ma nyè co l'èku lè nkèkè ngbèsitò gbè. ⁴⁵ Wo ñrò dè Mawugbèdòtò wo wema mè bè: "Wo see i Mawu ñta la kpра ènu. " Ènè a, amè qèsyadè kè la qò éto Dàdà a, i la xò y'ènukpramènyè wo a, la va ègbonyè. ⁴⁶ Í nyi bè amè qè kpò Dàda a kpò i ñ lè nu o, amè kè co Mawu gbo a déken i kpò è. ⁴⁷ Èen, ma nu àdòdo nè mi: Amè kè xò sè a, kpò agbè mavò. ⁴⁸ Ènyè i nyi kpònu kè na nè àgbè àdòdo a. ⁴⁹ Mia tògbìwo qù manà lè zògbèji, gañkè wo ku. ⁵⁰ Vò a, kpònu èla co sèxo, amè kè la qù i a, í ka ku o. ⁵¹ Ènyè i nyi kpònu àgbè àgbè kè qì co sèxo va a, amè kè la qù kpònu èla a, la nò àgbè kékè sè yi. Kpònu kè naa na a, i nyi tiin ñtiran, kè naa sè na nè àgbètò wo see na kpò àgbè a.» ⁵² Jifu wo tò ènyè dòndòn sènju sènju lè wo dékiwo domè bè: «Nè ñyucu hunna la tè ñ na mi yè ñtiran i mi a qù mò?» ⁵³ Yesu nu nè wo bè: «Ma nu àdòdo nè mi, nè mi í qù Àgbètòvi a ye ñtiran o, i mi í nu ye hun o, mi í ka kpò àgbè o.» ⁵⁴ Amè kè qù tiin ñtiran, i nù tiin hun a kpò àgbè mavò, i ènya ma nyè co l'èku lè nkèkè ngbèsitò gbè. ⁵⁵ Ðò tiin ñtiran a, ènuqùndù àdòdo i, i tiin hun nyi ènununu àdòdo. ⁵⁶ Amè kè qù tiin

ηtiran, i nù tiin hun a, amə hunna l'agbə l'ənyə mə, i nya ŋ l'agbə lə ya mə. ⁵⁷ Sigbə Dàdà kə dō ŋ qidə a l'agbə, i nya ŋ l'agbə to Dàda a ji a, nənə kə i amə kə la qù tiin ηtiran a la nō àgbə to əjinyə a nə. ⁵⁸ Kpɔnɔ kə qidə co jiŋkori a kə; jí wɔ qdə sigbə kə mi a tɔgbın wo qù, gaŋkə wo ku a ənə o. Vò a, amə kə la qdu kpɔnɔ əla a, la nō àgbə kékə sə yi.» ⁵⁹ Yesu nu ənyɔ əlawo gakəmə i lə kpra ənu amə wo, lə Jifuwo bòbòxo lə Kapenawumù a.

Àgbè mavɔ nyɔ wo

⁶⁰ Kə Yesu ye dəkprɔvi wo sə ənyɔ kə i nu a, wo domə tɔ sùgbɔ lə nu bə: «Enyɔ əla vaqì səsə, mee i la tə ŋ qo əto e?» ⁶¹ Kə Yesu nya bə ye dəkprɔvi wo lə xonu də ənyɔ kə ye nu a ŋ a, é ka wo sə bə: «Enyɔ hunna nyi àfɔkrənu nə mi i à? ⁶² I nə mi va kpɔ Àgbətɔ Èvi a i i yikɔ səxo ləfi i lə qdəeca a qdə, nə mi a wɔ mɔ? ⁶³ Gbòngbòn Kékɔ i na nə àgbə amə. Àgbətɔ jí sun ənu qdə ji o. Enyɔ kə ŋ nu nə mi awo a Gbòngbòn mə i wo co, i na nə àgbə amə. ⁶⁴ Vò a, amə qdə wo lə mia domə i wo jí xɔsə o.» Co gòməjəjə a Yesu dəsi amə kə jí xɔ ε sə awo, kidə amə kə ka sa ε qdu a. ⁶⁵ Yesu gbə nu dəji bə: «Enu hunna i dō, i ŋ nu nə mi bə "Nə Dàda a ŋta ŋ qdə əmɔ nə amə qdə o, amə a jí ka tə jí va əgbɔnyə o."»

⁶⁶ Co ganamə a, Yesu ə dəkprɔvi sùgbɔ trɔ lə ye yomə, i wo jí gbə zɔn nō kidə ε o. ⁶⁷ Ènə a, Yesu ka wo aməwivə awo sə bə: «Miawo qdə, mi jí ləjì a yi a ?»

⁶⁸ Simɔɔ Pyee nu nə ε bə: «Àxotɔ, mə ε gbo i mia wo mi a yi ? Ègbəwo i àgbə mavɔ nyɔ wo lə. ⁶⁹ I mia wo mi xɔsə, i mi nya bə əwo i nyi Amə Kékɔ kə Mawu dō qidə a.» ⁷⁰ Yesu rɔn nə wo bə: «Enyə ŋta i can mi, mi aməwivə awo, gaŋkə amə qdəka lə mia mə i nyi

Regba!»⁷¹ Juda, Simco Isikariotə əvia ye nyɔ i Yesu lə nu, də yeca lə ye dəkprövi aməwivə awo mə, gaŋkə yei kà sa Yesu.

Yesu ye noviwo ñ ka də ji o

7 Lə hunna nɔgbə a, Yesu lə to Galilee kan a see mə, ñ də lə ji a to Judee kanmə o, də jifugan wo ləji a wu i.² Jifu wo xo kə wo ɖu nɔ lə àzàvà gɔmə a təbɔ. ³ Nɔvi awo nu nə ε bə: «Co lela, i yi Judee, nə tɔc dəkprövi ke lə leena ca wo na kpɔ èdɔ kə e lə wɔ awo. ⁴ Də amə kə lə ji bə wo a dəsi ye a, ñ wɔ nə ənu də ənu gɔmə o. Kə e wɔ nə ənu gaŋgan hunna wo a, e jə bə na qə ðeeki əwo disa nə amə wo.» ⁵ Də novi awo ɳta ca ñ ka də ji o. ⁶ Yesu nu nə wo bə: «Tiinga ñ xo haɖo o, vɔ a, miawo a, gadəsyadə i nyɔ nə mi. ⁷ Xixə a mə tɔ wo ñ ka tə gbə mi o, vɔ a, wo gbə ənya, də ñ də nə ȳkunnu bə wo nu wɔwɔ wo nyra. ⁸ Miawo mi yì əxo a ɖu gbə; vɔ a, ənyə a, nyi ñ yikɔ* o; də gamə ñ sun ñ haɖo o.» ⁹ Kə Yesu nu ənə nəwo jrɔ a, é ci Galilee.

¹⁰ Kə Yesu ye noviwo yi əxo a ɖugbə a, ye ca j'əmɔji, i yi lə bəbəmə, ñ ji bə amədə na kpɔ əye o. ¹¹ Lə əxo a ɖu gamə a, jifugan wo lə ji i, i lə kasə bə: «Fi ì lə tutu ?» ¹² Lə àhwà kə bɔ də a mə a, amə wo lə nu ənyɔ sùgbɔ də ñ, amədəwo nu nɔ bə: «Amənyɔe i ì nyi.» Aməbuwo bə: «Eo! É brə nə amə wo ɖu i.» ¹³ Vɔ a, amə kə lə nu Yesu ənyɔ awo də ñ doji cɔ ȳgbə d'əji o, də wo lə vɔnvɔn nə jifugan wo.

Yesu kpra ənu amə wo lə Mawusənxo

¹⁴ Kə wo lə ɖu əxo a kəkə i ma ɳkəkə nənə kə wo a ɖu əxo a nɔ a d'əvə a, Yesu yi Mawusənxo, i tɔ ənukpakpra amə wo. ¹⁵ Sigbə ì lə kpra ənu amə wo mɔ a, kpaca jifugan wo kəkə wo lə nu bə: «Ijucu

* 7:8 Wema xoxo dəwo lε, i nu bə "Nyi ñ yikɔ haɖo o"

hunna ñ xɔ èkpra l'ësə kpramətɔ də gbo kpɔ o, nə ì wɔmɔ i mɔnjɛ Mawunyɔwema a mə dø ənə?»¹⁶ Yesu dø ñti nə wo bə: «Tiinukpramə ñ co əgbɔnyə o, vò a, amə kə dɔ ñ qidə a gbo i ì co.»¹⁷ Nə amə də ji bə ye a wɔ Mawu ye jromənu a; nə ì nyi tiinukpramə a Mawugbo i ì co, nɔmi ənyə ñta ye cə mə i ñ lə xonu do a, a nya.¹⁸ Amə kə lə xonu də yenja cə mə a lə ji yenja kafù kafu; vò a, amə kə lə ji amə kə dɔ ε qidə ye kafukafu a, nu nə àdòdo, i ye nyɔ də ñ nyinə vixo o.¹⁹ Ñ nyi Moyizì i na əsə wo mi a ? Vò a, miawo ñekən mi í zɔn nɔ də əsə a ji o; nukeejɔ i mi lèjì ì ka wu ñ.²⁰ Àhwà a dø ñti nə ε bə: «Gbòngbòn vɔen i lə əjiwo, mə ε i lèjì i ka wu əwo?»²¹ Yesu gbə xɔ ənyɔ, i nu nə wo bə: «Edɔ ñeka ñədə i ñ wɔ, i ì kpaca mi dø ənə.²² Moyizì hən èvo coco ye sə va, kpɔ ñ nyi yegbo i ì co o, vò a, mía tɔgbin wo gbo i ì co; i mi co nə èvo lə gbòngbònzungbə ca.²³ Nə mi tə ñ co èvo nə amə lə gbòngbònzungbə, i mi í da lə Moyizì əsə a ji o; nukeejɔ i mi lə wɔ xoməfyen də ənya kə vɔ èdɔ nə àgbətɔ bribo lə gbòngbònzungbə a?²⁴ Mi í ka kpɔ nə ənu wo nɔnɔmə i sə dø nə kojo o, vò a, mi dø nə kojo jojɔ.»

Yesu i nyi Kriso Xɔgantɔ a a?

²⁵ Jərizalemùtɔ də wo lə nu bə: «Ñ nyi amə kə wo lèjì i la wu a nə a?²⁶ Ye i lə xonu lə gbaŋba nə, i amə də í lə nu ənyɔ də nə ε o; nɔmi míagan wo va mɔnjəmə bə ye i nyi Kriso Xɔgantɔ a à?²⁷ Mí dəsi lèfi ñucu əla co a, vò a, nə Kriso Xɔgantɔ a ñta va a, amə ñekən í ka dəsi lèfi ì co a o.»²⁸ Ènə a, kə Yesu lə kpra ənu lə Mawusənxo a, ənu nə wo bə: «Mi dəsi ñ, i dəsi fi ñ co a, nyi ñ va də nyiñta cə mə o, vò a, amə kə dɔ ñ qidə a nyi àdòdonutɔ, mi í ñe dəsi i o.²⁹ Ènya ñ dəsi i, dø yegbo i ñ co, i ye i dɔ ñ qidə.»³⁰ Ganamə a, wó lèjì i la

lè e, vò a, amədəken lò ï jè ï o, dò yega ï xo hađo o. ³¹ Amə sùgbɔ́ l'ahwa amə i xɔ́ ε sə, i na lè nu bə: «Nə Kriso Xògantɔ́ a va va a, a gbə tə ï va wɔ́ ənujiñu wu amə əla i a?»

³² Farizì wo sə ənyɔ́ kə amə wo lè dɔ́kpà lè àhwa a mə, i lè nu də Yesu ï a. Mawuvɔ́satɔ́gan wo kidə farizì wo dɔ́ ssɔ́ja wo qidə nə wo a lè Yesu ³³ Yesu nu nə wo bə: «Naa gbə nɔ́ anyi kidə mi nə gàmə hɔ́dəka; kina ñgbə a, naa yi amə kə dɔ́ ï qidə a gbɔ́. ³⁴ Mi a ji ï, i mi ï ka kpɔ́ ï o; dò mi ï ka tə ï va lèfi naa lè a o.» ³⁵ Jifugan wo tɔ́ nùnu lè wođekiwo do mə bə: «Fi ì kaa yi i mi ï ka gbə tə ï kpɔ́ ε o ? A yi Jifu kə gban də amə kə ï nyi jifu awo mə i a? A ve kpra ənu amə kə ï nyi jifu awo i a? ³⁶ Ənyɔ́ kə e i nyi hunna wo i ì lè nu, i bə: "Mi a ji ï, i mi ï ka kpɔ́ ï o"; " mi ï ka tə ï va lèfi naa lè a o"? »

Ətɔ́jɔ́caca kə na nə àgbè amə a

³⁷ Ïkəkə ñgbəsítɔ́ kə wo a ðu əxo a jrɔ́ a, i nyi ïkəkə kə lè vəvəđə a. Gbona a, Yesu nɔ́tə lè àhwà a ñkɔ́, i cɔ́ ègbè də əji, i bə: « Nə əcigɔ́mə tən amədə a, na va əgbɔ́nyə i va nù əci. ³⁸ Sigbə Mawunyɔ́ wema nu i mɔ́ a: "Amə kə xɔ́ ï sə a, ətɔ́caca kə na nə àgbè amə a, la ca nɔ́ co amə hunna mə"». ³⁹ Yesu lè nu ənə də Gbòngbòn Kɔ́kɔ́ kə amə kə la xɔ́ ε sə awo la xɔ́ a ï. L'èga hunna mə a, Mawu ï na Gbòngbòn Kɔ́kɔ́ hađo o, dò ï ðe Yesu kàfū kafu disa hađo o.

⁴⁰ Amə ðə wo lè àhwà a mə, i kə wo sə Yesu ənyɔ́ a, wo lè nu bə: «Ijucu əla i nyi Mawugbəđotɔ́ a nyawo !» ⁴¹ Amə buwo lè nu bə: «Amə la i nyi Kriso Xògantɔ́ a !» Vò a, amə ðoo bə: «Kriso Xògantɔ́ a la tə co Galile a ? ⁴² Mawunyɔ́ a ï nu bə Davidi ye jijimə i à co a? Lə Betrexemù, ədù kə mə Davidi co a mə à?» ⁴³ Ənə a, amə wo

ma ,cagbə Yesu tɔ. ⁴⁴ Amə də wo lə wo domə, i ləji a lə e, vò a, woo deken ələ ŋ tə jə ŋ o.

Mawuvɔsatɔgan wo ñ xɔ Yesu sə o

⁴⁵ Gakəmə sɔja kə yi Yesu ləgbə awo trɔva a, Mawuvɔsatɔgan wo kidə Farizì wo ka wo sə bə: «Nukeejɔ mi ñ lə e va o ?» ⁴⁶ Sɔja awo də ñti nə wo bə: «Mí ñ sə i amə də xonuxo sigbə ñucu hunna mɔki kpɔ o.» ⁴⁷ Farizì wo ka wo sə bə: «Mia ca wo mi dici mia ɖekiwo ɖe i ì brə mi ɖu a? ⁴⁸ Mi kpɔ míagan də nɔmi Farizì də xɔ ε sə a? ⁴⁹ Àhwà hunna kə lə kpɔ ε do awo ñ dəsi Moyizì əsə o, Mawu do nu wo vɔ.»

⁵⁰ Vò a, Nikodemù, Farizì wo domətɔ ɖeka ; kə ve kpɔ Yesu ɖeɖeca a leena, i nu nəwo bə: ⁵¹ «Mía sə a təŋ də əhwə nə amədə nə wo ñ də əto e, i nya ənu kə i wɔ a a?» ⁵² Wó də ñti nə ε bə: Galileetɔ i woca ə nyi a? Ve kpɔ Mawunyɔ wema mə nyɔñgbin, aa nya bə Mawugbədötɔ də ñ ka təŋ co Galilee o.» ^[53] Ènə a, amə ɖeka ɖeka yi ye xomə.*

Wo kpɔ nyɔrun əhasi wɔtɔ ɖeka va nə Yesu

8 Yesu yì əto kə ji olivuti wo nɔnɔ a ji. ² Lə ye ʃkəgbə nyidin a, Yesu trɔ yì Mawusənxo, i amə wo lɔ àhwà va gbɔ; i ì kanren i tɔ ənukpakpra wo. ³ Èsəkpramətɔ wo kidə Farizì wo kpɔ nyɔrun ɖeka va sə də àgùdò a mə; wo co nyɔrun a do i ì lə wɔ əhasi i. ⁴ Wó nu nə Yesu bə: «Ènukpramətɔ, wo co nyɔru əla do i ì lə wɔ əhasi. ⁵ Moyizì n'agbə mí l'əsə a mə bə, wo a xu əkpə nyɔrun hunna mɔki nə a ku. Nukee wa kpɔ də ŋ?» ⁶ Wó lə ka Yesu sə ənə i la sə də feca nə ε, i la kpɔ əmɔ sə dohwə ε. Vò a, Yesu bubɔ, i tɔ ənu ñɔjɔrɔ də anyigban mə kidə y'elɔvi. ⁷ Kə wo kpɔtɔ i gbə lə byɔ ənyɔε sə a; Yesu kɔ əta i nu

* 7:53 Wema xoxo ɖewo lε, i wo ñ wɔ həhrən mə əla ɖe o.

nə wo bə: Amə kə lə mia mə, i ñ jə àgò kpə gbədə a, na dà èkpə xu nyɔrun a jẹŋkə.»⁸ Kə ì nu ənə a, É gbə trō d'ēta gu, i gbə tō ənu ŋɔŋrə də anyigban mə. ⁹ Kə wo sə ənyə hunna a, wo tō yìyì ɖeka ɖeka, bə co aməganxo wo ji, i ì va kpɔtɔ Yesu ɖekən kidə nyɔrun a; i nyɔrun a gbə nɔ ətə ɖe də leena. ¹⁰ Yesu kɔ əta də əji, i ka ε sə bə: «Àxonɔ, fi amə awo lə? Amə ɖekən ɳ gbə ɖohwə n'əwo a?» ¹¹ Nyɔrun a rɔn bə: «Aməgan, amə ɖekən ɳ ɖohwə ɳ o.» Yesu nu nə ε bə: «Ènyə ca nyi ɖohwə n'əwo o; yì, vò a, ka gbə jə àgò o.]»*

Yesu i nyi kèkrə nə xixə a

¹² Yesu gbə tō nuxo xoxo nə àhwà a bə: «Ènyə i nyi kèkrə nə xixə a. Nə amə ɖə kpɔtɔ ɳ do a, ɳ ka zɔn zubru mə o, vò a, a kpɔ kèkrə kə na nə àgbè a.» ¹³ Ènə a, Farizi tō wo bə: «È lə ɖ'èkunnu nə ɖeekiwo! Tɔɔ kunnu ɖədə ñ nyi àdòdo o.» ¹⁴ Yesu ɖo ɳti nə wo bə: «ɳ lə ɖ'ekunnu nə ɖekinyə nyawo, vò a, tiinkunnu ɖədə nyi àdòdo, ɖo ɳ dəsi ləfi ɳ co a, i dəsi ləfi ɳ yìkɔ a, vò a, mia wo mi ñ dəsi ləfi ɳ co, nɔmi ləfi ɳ nyikɔ o.» ¹⁵ Mi ɖo nə kojo sigbə àgbətɔ wo ənə. Ènyə a, nyi ɳ lə ɖo kojo nə amə ɖə o. ¹⁶ Nə i nyi ɳ ɖo kojo ca a, tiin kojo ɖoɖo nyi nə àdòdo, ɖo ɳ nyi ənyə ɖekən i ɖo nə kojo a o, vò a, ənyə kidə Dàdà kə ɖo ɳ ɖìda a i. ¹⁷ Wo ɳrɔ də mia Sə wema mə bə, ənu kə amə amèvè ɖ'èkunnu nɔ a, nyi àdòdo. ¹⁸ ɳ lə ɖ'èkunnu nə ɖeekinyə, i Dàdà kə ɖo ɳ ɖìda a ca lə ɖ'èkunnu ɳ.» ¹⁹ Wó ka ε sə bə: «Fi tɔɔ Dada a lə?» Yesu ɖo ɳti nə wo bə: «Mi ñ dəsi ɳ o, mi ñ dəsi tiin Dada ca o, ɖo nə mi meené dəsi ɳ i a, mi a dəsi tiin Dada ca.» ²⁰ Yesu nu ənyə hunna wo gákəmə i lə kpra ənu amə wo lə Mawusənxo a, ləfi ənujɔdaka lə a. Amə ɖe ɳ lə e o, ɖo y'ega ɳ xo o.

* **8:11** Wema xoxo ɖewo lε, i wo ñ wɔ akpa əla xo ɖe o

Yesu nu nə aməwo bə wo ñ ka tə ñ yì ləfi ye yìkɔ a o

²¹ Yesu gbə nu dəji nə wo bə: «Ij yikɔ, mi a ji ñ, vò a, mi a ku də mia gɔjəjə wo mə. Mi ñ ka tə ñ yi ləfi ñ yikɔ a o.» ²² Ènə a, jifu wo lə nu bə: «È ka wu ɖekia i a? Đo é lə nu bə " Mi ñ ka tə ñ yi ləfi ñ yikɔ a o."» ²³ Yesu xògbə nə wo bə: «Mia wo a, anyigban lelajitɔ i mi nyi, vò a, ənyə a, səxo tɔ i ñ nyi; xixə əla mə tɔ i mi nyi, kpo nya ñ nyi xixə əla mə tɔ o. ²⁴ Yeidɔ, ñ nu nə mi bə mi a ku də mia gɔjəjə wo mə. Đo nə mi ñ xɔsə bə ñ nyi amə kə ñ nyi a o; mi a ku də mia gɔjəjə wo mə.» ²⁵ Wó ka ε sə bə: «Mə ε i ñ nyi?» Yesu ɖo ɳti nə wo bə: «Amə kə ñ nu nə mi co gɔməjəjə bə ñ nyi a, i ñ nyi. ²⁶ I wɔ ənyu sùgbɔ qe i la nu də mia ñ, i la ɖo kojo nə mi cagbə ənu hunna wo tɔ, àdòdo nutɔ i, i ənu kə ñ sə l'ègbɔ a, i ñ lə nu nə xixə a.» ²⁷ Wó ñ qe mɔŋjəmə bə Dàda a ye nyɔ i ì lə nu nə yewo o. ²⁸ I Yesu nu nə wo bə: Gàkəmə mi a cɔ Àgbətɔ əvi a də əji a, mi a nya bə ñ nyi amə kə ñ nyi a, i nyi ñ wɔ nə ənu qe də tiin ce mə o: Ènu kə Dàdà a kpra ñ a i ñ lə nu. ²⁹ Amə kə dɔ ñ qidə a, lə kidə ñ, ñ daci ñ qe o, ɖo ñ wɔ nə ənu kə nyɔ nə ɳkɔ ε a gàdəsyadə mə.» ³⁰ Kə Yesu lə xo nuxo ənə a, amə sùgbɔ xɔ ε sə.

Abraxamù ye jijiməvi àdòdo awo

³¹ Yesu va nu nə Jifu kə xɔ ε sə awo bə: Nə mi zɔn də tiinyɔ wo ji a, mi a nyi tiin dəkprɔvi wo nyawo, ³² mi a dəsi àdòdo a, i àdòdo a la qe mi co lə hwasi gbənu.» ³³ Wó nu nə ε bə: «Abraxamù ye jijiməvi i mí nyi, i mí ñ nyi hwasi nə aməqə kprɔ o, nukeejɔ ə va lə nu bə wo a qe mi jii lə hwasi gbənu?» ³⁴ Yesu ɖo ɳti nə wo bə: «Ma nu àdòdo nə mi: Amə qəsyadə kə jə nə àgò a, nyi hwasi nə àgòjəjə. ³⁵ Hwasi ñ nɔ

nə àxomə kékə sə yi o, àxovi i nō nə axomə kékə sə yi. ³⁶ Yeidɔ, nə Èvi a i də mi co lə hwasi nyinyi mə a, mi co lə hwasi gbənu nyawo. ³⁷ I nya bə Abraxamù ye jijiməviwo i mi nyi, vò a, mi lèji i ka wu ñ, də mi gbə tiinyɔ wo. ³⁸ Ènu kə ñ kpɔ lə tiin Dada gbɔ a, i ñ lə to nə mi, vò a, miawo a, mi lə wɔ ənu kə mi sə lə mia dada gbɔ a.» ³⁹ Wó nu nə ε bə: «Abraxamù i nyi mía dada.» Yesu nu nə wo bə: «Nə mi nyi Abraxamù əvi wo nyawo a, mia wɔ nə ənu sigbə Abraxamù ənə. ⁴⁰ Ènyə a, àdòdo nyɔ kə ñ sə co tiin Dada gbɔ a, i ñ nu nə mi; gaŋkə mi lèji i ka wu ñ, Abraxamù ñ wɔ ənu hunna mɔki də o. ⁴¹ Vò a, miawo mi lə wɔ ənu kə mia dada wo wɔ a.» Wó nu nə Yesu bə: «Mi ñ nyi èhasiviwo o, Mawu ɖekən i nyi mía Dada.» ⁴² Yesu gbə xɔ ənyɔ, i bə: «Nə Mawu nyi mia Dada a, mi a rɔn ñ, də Mawu gbɔ i ñ co va. i ñ lèla ɖe cagbə yetɔ. Nyi ñ va də nyiŋta jromə o, vò a, Mawu i dɔ ñ qidə. ⁴³ Nukeejɔ i mi ñ mɔŋjə ənyɔ kə ñ lə nu nə mi awo mə o? Tiinyɔ wo və nə səsə nə mi tađo i. ⁴⁴ Regba i nyi mi a dada, i ənu kə jro e a i mi jinɔ a wɔ. Aməwutɔ i ì nyi co gɔməjəjə, ñ rɔn nə àdòdo nyɔ gbɔ o, də àdòdo ɖekən ñ lə ya mə o. Nə i xovi ca a, ə sɔgbə kidə ye nɔnɔmə, də vixotɔ i ì nyi, i gbə nyi vixotɔ wo dada. ⁴⁵ Vò a, ənyə a, àdòdo kə ñ nu nō a i dɔ mi ñ xɔ tiinnyɔ sə o. ⁴⁶ Miadomətɔ kə e la tə ñ də disa ñ bə ñ jə àgɔ? Nə ñ lə nu àdòdo a, nukeejɔ mi ñ xɔ tiinyɔ sə o? ⁴⁷ Amə kə nyi Mawutɔ a də nə əto Mawu ye nyɔ wo i. Kə mi ñ nyi Mawutɔ a, i dɔ mi ñ lə də əto ñ o.

⁴⁸ Jifu wo nu nə Yesu bə: «Kə mí nu bə ə nyi Samaritɔ, i gbɔngbɔn vɔen l'èwo mə a, ñ kpɔ bə mía nyɔ nyi àdòdo a?» ⁴⁹ Yesu də ñti nə wo bə: «Èo! gbɔngbɔn vɔen ñ l'ènyə mə o, vò a, tiin Dada i ñ lə cɔ bùbù nō, i miawo mi ñ lə bù ñ o. ⁵⁰ Nyi ñ lə ji kàfù kafu nə ɖeekinyə

o, vò a, amədəka lε, i lε ji i η; ye i nyi Kojođotə a. ⁵¹ Ma nu àdòdo nə mi, nə amədə zɔn də tiinyɔ wo ji a, amə a ί ka ku gbədə o.» ⁵² Jifu wo nu nə Yesu bə: «Mí va nya ifia bə gbòngbòn vɔen i lε əwo mə, də Abraxamù ku, i Mawugbəđotə wo ca wo ku, gaŋkə wa lε nu ifia bə: "Nə amədə zɔn də ye nyɔ wo ji a, ί ka ku gbədə o". ⁵³ Wa wugan mia tɔgbı Abraxamù kə ku a i a? Mawugbəđotə wo ca wo ku, mə ε i ə bù nɔ bə ye nyi ma ?» ⁵⁴ Yesu də ɳti nə wo bə: «Nə η cɔ kàfù kafu nə ɖekinyə a, tiin kàfù kafu η ka xɔ àfi o. Tiin Dada i lε cɔ kàfù kafu η, yei mi nu nɔ bə ə nyi yewo Mawu, ⁵⁵ gaŋkə mi ί dəsi i o. Nya η dəsi i, nə η nu bə nyi ί dəsi i a, naa nyi vixotə sigbə miawo ənə. Vò a, η dəsi i, i zɔn nɔ də ye nyɔ wo ji. ⁵⁶ Eji jɔ mia tɔgbı Abraxamù, də ə lε də ɳkuvi tiin vava, ə kpɔ ε nyawo, i ɬijic ε.» ⁵⁷ Jifu wo nu nə ε bə: «I wɔ əxo hoka ciwo(50) ɖe kpete o, i kpɔ Abraxamù a?» ⁵⁸ Yesu nu nə wo bə: «Ma nu àdòdo nə mi, η le xoxo gbòxo Abraxamù va jɔ.» ⁵⁹ Ènə a, wo fɔ əkpə wo, i ka xu i; vò a, Yesu bə, i do lə Mawusənxo a.

Yesu vɔ əpdə nə ɳtɔnɔ ɖeka

9 Kə Yesu yikɔ a, ə kpɔ ɳucu ɖeka kə nyi ɳtɔnɔ co jijimə a. ² Ye dəkprɔvi wo ka ε sə bə: «Eヌukpramətɔ, mə ε i jε àgɔ, i wo ji i ɳtɔnɔ? Ye ɳta i à, nɔmi yetɔ wo ?» ³ Yesu rɔn nə wo bə: «I nyi yenja, nɔmi yetɔ wo gòjèjè wo i dɔ, i wo ji i ɳtɔnɔ o. Vò a, cagbətə nə Mawu na ɖə ye ɳusən disa to ji i dɔ i wo ji i ənə. ⁴ Mí də a wɔ amə kə dɔ η ɖida a ye dɔ wo ifia kə əŋunkə ɖe a; də əzan la va do, i amədə ί ka gbə tə wɔ ədɔ o. ⁵ Gàkəmə η lə xixə a mə a, η nyi kèkrə nə xixə a.» ⁶ Kə Yesu nu ənə jrɔ a, ə tu ətan də ayigban mə, i sə nya əko, i sə trə də ɳkuvi wo ji nə ɳtɔnɔ a; ⁷ i nu nə ε bə: «Yì Silowe tɔ a mə i ve fun

ημε.» Silowe a ye gòmè i nyi "Amədəqida." Ηtōn a yi i ve fun ηmè, kè i tr̄ va a, é lè kp̄ ənu nyòŋgbin. ⁸Ye kp̄na wo kidə amə kè kp̄ ε i ì lè byc ənu qeđeca awo, kasə bə: «Í nyi amə kè kan nə rən qe i na lè byc ənu a nə a?» ⁹Amə qeka wo lè nu bə: «Ye i.» Amə bù wo bə: «Éo, í nyi ye i o, amə qj i amə i.» Vò a, ηtōn a ηta nu bə: «Enyé i.» ¹⁰Wó ka ε sə bə: «Nə ə wɔ mɔ i tɔ ɳkuvi wo tɔ ənu kp̄kp̄?» ¹¹É nu nə wo bə: «Jucu kè wo ycn bə Yesu a, i nya èko i sə də ɳkuvi wo ji ɳ, i nu ɳ bə: "Yì Silowe tɔ a mə i ve fun ηmè."» I ɳ yì, i fun ηmè a nyawo, i tɔ ənu kp̄kp̄!» ¹²Wó ka ε sə bə: «Fi jucu hunna lə?» É nu nə wo bə «Nyè í nya o.» ¹³Wo kp̄ ɳucu kè nyi ηtōn qeđeca a yi nə Farizì wo. ¹⁴Đo, Jifu wo gbɔngbɔnzangbə i Yesu nya èko i sə hun ɳkuvi nə ηtōn a. ¹⁵Farizì awo ca ka ɳucu a sə bə, nə ì wɔ mɔ i lè kp̄ ənu? É nu nə wo bə: «Jucu a nya èko i sə də tiin ɳkuvi wo ji, i ɳ ve fun ηmè, i kp̄ ənu.» ¹⁶Farizì qəwo nu nə ε bə: «Jucu hunna í co Mawu gbo o, qo í qo bùbù nə gbɔngbɔnzan a o.» Vò a, amə buwo nu bə: «Nə àgjəjtɔ a tə ɳ wɔ mɔ i wɔ ənujiju hunna?» I kankran qo farizì wo domə. ¹⁷Enə a, Farizì wo gbə ka ɳucu kè əp̄ vɔ nɔ a sə bə: «Ewo i, nukee e bù də amə kè hun ɳkuvi n'ewo a ɳ?» É nu nə wo bə : «Amə hunna Mawugbəđotɔ i ì nyi.» ¹⁸Enə a, Jifugan wo í ji a xcəs bə é nyi ηtōn qeđeca, i va lè kp̄ ənu ifia o. Yeidɔ i wó yc yetɔ wo. ¹⁹I ka wo sə bə: «Mia vi i nyi ɳucu əla nyawo a? Nyawo i mi ji i ηtōn a? Nə i wɔmɔ i lè kp̄ ənu ifia? ²⁰Yetɔwo rɔn nə wo bə: «Mí nya bə mia vi i, i mí ji i ηtōn.» ²¹Vò a, mí í nya nə i wɔ mɔ i lè kp̄ ənu ifia o, kp̄ mi í nya mə ε i hun ɳkuvi nə ε o, mi byc ənyc yenja sə, ɳ gbə nyi qəvi o, yenja la qə mə nə mi. ²²Yetɔ wo lè nu ənə qo wó lè vɔnɔn nə Jifugan wo, qo wo nu i d'ədu qe

bə, wo a nya amədəsyadə kə la qə mə bə, Yesu i nyi Kriso Xəgantə a, do lə wo bəbəxo a. ²³ Yeido i yetə wo lə nu bə: «İ gənyi qəvi o, mi byə ənyə yəntə sə.» ²⁴ Farizì wo gətə trə yə əncənu kə nyi əntənə qəfəca a, i nu nə ε bə: «Nu ədədo lə Mawu ənkə, míawo mí nya bə əncənu hunna a àgəjətə i.» ²⁵ É rən nə wo bə: Nyi ý nya nə i nyi àgəjətə o, və a, ənu kə ə nya a, i nyi bə ə nyi əkuvi tənə qəfəca, ifia ə lə kpə ənu.» ²⁶ Wó gətə ka ε sə bə: Nukee i wə nə əwo? Nə i wə mə i hun əkuvi n'əwo?» ²⁷ É rən nə wo bə: «İ nu i nə mi qəfəca, və a, mi ə qo əto ə o. Nukeejə i mi ləji i la gətə sə e? Nəmi miaca wo mi lə ji a nyi ye dəkprəviwo i a?» ²⁸ Farizì wo tə ε zuzu bə: «Əwo i nyi ye dəkprəvi, Moyizì ye dəkprəvi i mí nyi. ²⁹ Mí nya bə Mawu xo nuxo nə Moyizì, və a, amə əla a, mi ý nya fi i co o.» ³⁰ Əncənu a nu nə wo bə: «Ə kpəca ə bə mi ý dəsi fi i co o, gaŋkə ə hun əkuvi ə.» ³¹ Mí nya bə Mawu ý qo nə əto àgəjətə o, və a, amə kə qo nə bùbù nə Mawu, i wə nə ye jromənu a, amə hunna i Mawu qo nə əto. ³² Mí ý sə gətə kpə bə, amə qə hun əkuvi nə amə kə wo ji əntənə a o. ³³ Nə əncənu əla ə co Mawugbə o, ý ka tə ə wə ənu qə o. ³⁴ Wó rən nə ε bə: «Əwo kə lə àgəjəjə mə co gətəkikə wo ji əwo a, əwo i ka kpə ənu mi a ? I wo nya ε do.

³⁵ Yesu sə bə Farizì wo nya hənniyə kə i hun əkuvinə a do. É ve kpə ε, i byə ε sə bə: «É xə Àgbətə əvi a sə a? ³⁶ Əncənu a xə əgbə nə ε bə: «Aməgan, mə ε i nyi amə a, nu ə ma xə ε sə.» ³⁷ Yesu nu nə ε bə: «Ə kpə amə a və, amə kə lə xonu kidə əwo a i.» ³⁸ Əncənu a bə: «Àxotə, ə xəsə.» i jə əkro, i d'ənugu nə ε. ³⁹ Yesu nu xotən bə: «İ va xixə a mə nə kojo qədə qəka. Kojo qədə a i nyi: Əntənə wo a tə ənu kpəkpə, i amə kə lə kpə ənu awo a trə zun əntənə wo.» ⁴⁰ Farizì kə lə axa nə

Yesu awo sè ənyɔ a, i ka ε sè bε: «Ijtonc i míaca wo mí nyi a? ⁴¹ Yesu nu nε wo bε: « Nε mi mεnε nyi njtonc wo i a, àgòjεjε dε ñ ka l'εkε nε mi o; vò a, ifia kε mi bε: yewo lε kpɔ ənu a, yeidɔ i mi a gòjεjε wo kpɔtɔ l'εkε nε mi.

Yesu do əlo dε arengbɔ nyitɔ wo ŋ

10 Yesu nu bε: «Ma nu àdòdo nε mi: Amε kε ñ to àgbo a nu dɔ arengbɔ wo kpo a mε o, i to èkpata dɔ òkpo a mε a, amε hunna frafitɔ, Jaguda i ï nyi. ²Vò a, amε kε to àgbo a nu, i dɔ mε a, yei nyi arengbɔnyitɔ a. ³Yei əmɔnucɔtɔ hùn nε èhɔn nɔ, i arengbɔ wo na sε ògbè nε ε. Ê yɔ nε ye rεngbɔ wo ŋkɔ ɖeka ɖeka, i na ɖε wo do ⁴Nε i ɖε wo see do a, é jεnε ŋkɔ nε wo, i arengbɔ awo na kprɔ ε do; dɔ wo dεsi ye gbε. ⁵Vò a, wó ïj kprɔnε amεjro do o, wu ənε a, wó si nɔ nε ε i; dɔ wó ïj dεsi y'egbε o.» ⁶Yesu do əlo hunna nε wo, vò a, wó ïj mɔnjε ənyɔ kε ï lε nu nε wo a mε o.

Yesu i nyi arengbɔnyitɔ nyɔε a

⁷ Yesu gbε nu nε wo bε: «Ma nu àdòdo nε mi, ənyε i nyi arengbɔ wo gbo a. ⁸Amε kε jεŋkɔ ŋ va wo see a, frafitɔ, jaguda i wó nyi; vò a arengbɔ awo ïj dɔ əto wo o. ⁹Enyε i nyi àgbo a, amε kε to əjinyε a, wo a xɔ ε gan, a lε yi, i la lε gbo, i la kpɔ ənu qù. ¹⁰Frafitɔ va a, é va finε əfi, é wunε amε, i na dahεn ənu wo; ənya a, ŋ va, nε àrengbɔ wo na kpɔ àgbε, i kpɔ àgbε jɔ àgbε. ¹¹Enyε i nyi arengbɔ kprɔtɔ nyɔε a. Arengbɔ kprɔtɔ nyɔε a, cɔ nε y'egbε sε na dε ye rεngbɔ wo tamε. ¹²Amε kε ïj nyi arengbɔ kprɔtɔ o; i arengbɔ awo ïj nyi yetɔ o, i ï lε wɔ ədɔ i a xɔ əho a; nε i kpɔ əhra gbɔnɔ a, ə si nɔ gbε arengbɔ awo ɖε, i əhra na dɔ wo mε, i na lε doo, i na gban wo do. ¹³Amε kε lε

wà cù àdè i a xà èho a, ñì lè n'èbè nè arèngbò awo nyòñgbìn o. ¹⁴ Ènyé i nyi arenkpròtò nyɔe a. Ù dèsi tiin rengbò wo, i wó dèsi ñì, ¹⁵ Nònè kè Dàdà a dèsi ñì, i ñì dèsi Dàdà a nè. Ù cò nè tiin gbè sè na dè tiin rengbò wo tamè. ¹⁶ Ù gbè wà arèngbò buwo ñè, i wo ñì lè èkpo əla mè o. Ù dò a kprò wo ca wo va lela, i wó a sè tiin gbè, i wó a nyi arenha ñeka kpañ, i arèngbò kpròtò ca la nyi ñeka kpañ. ¹⁷ Dàdà a dò rɔnɔn ñì, dò ñì cò tiin gbè sè na, i la gbè kprò ε xà. ¹⁸ Amèdè ñì ka tè xà tiingbè lè asinyé o, vò a, ènyé ñta i sè na dè tiin jro mè, ñì wà àce ñè i a sè na, i gbè wà àce ñè i a xà ε. Sigbè tiin Dada dò ñì a nè.» ¹⁹ Ènyé hunna wo i dò i mama va jifu wo domè. ²⁰ Amè sùgbò lè nu lè wo domè bë: «Gbòngbòn vɔen lè ñèfù nè ε! Cukunò i! Nukeejò mi lè dò èto e?» ²¹ Vò a, amèbu wo nu bë: «Ù nyi amè kè gbòngbòn vɔen lè ñèfunnò a ye nuxo nè o. Gbòngbòn vɔen a tè hun ñkuvi nè ñtòcò wo a?»

Jifu wo gbè Yesu

²² Ganamè a, Jifuwo lè ñù azan kè gbè wo cò Mawusènxo a dè alç mè nè Mawu a lè Jeruzalemù, lè vùnvò gamè. ²³ I Yesu lè dan to Salomò gbadomè, lè Mawusènxo a. ²⁴ Jifu wo xixra dè e, i nu nè ε bë: «Kèkè jè gà kè e mè i a gbè mí dè ènu xokpò mè jè? Nè i nyi èwo i nyi Kriso Xɔgantò a, nu i nè mí dè ènu jçnu mè.» ²⁵ Yesu nu nè wo bë: «Ù nu i nè mi vò, i mi ñì xà sè o. Èpò kè ñì lè wà lè tiin Dada ñkò mè awo lè ñèkunnu ñì. ²⁶ Vò a, mi ñì xà sè o, dò mi ñì lè tiin rengbò wo mè o. ²⁷ Tiin rengbò wo sè nè tiin gbè, ñì dèsi wo, i wó kprònè ñì do. ²⁸ Ù na nè wo àgbè mavò, wó ñì ka crɔn gbèdè o, i amè ñekèn ñì ka tè ñì xà wo lè tiin lò mè o. ²⁹ Tiin Dada kè cò wo dè alç mè ñì a wugan ènu wo see, i amè ñekèn ñì wà àce ñè i a xà, ènu lè tiin Dada

ye lɔ mə d'egan ŋ o. ³⁰ Ènye kidə Dada a, qeka i mi nyi.» ³¹ Jifu wo gbə fɔ əkpə i, a da xu Yesu, i wu i. ³² Vò a, Yesu nu nə wo bə: «Í disa ədə nyèŋgbin sùgbə kə co tiin Dàda gbə awo nə mi. L'edə hunna wo mə a, kə e nu i, mi ka da əkpə wu ŋ do?» ³³ Jifu wo nu nə ε bə: «Í nyi ədə nyèŋgbin qə i dɔ, i mí ka da əkpə wu əwo o, vò a, cagbə ənù kə əzan də Mawu ŋ a tɔ, qo əwo kə nyi àgbətɔ a, ə cɔ qəkiwo sə yə Mawu. ³⁴ Yesu nu nə wo bə: «Wo í ŋrɔ də mia səwema a mə bə: Í nu bə, mawu wo i mi nyi a?» ³⁵ Mawunyɔ wema a nε, wo í ka tə í tutu ənu ɖekən lə mə ənə; nə Mawu yə amə kə wo lə nu Mawunuyc a nɔ awo bə Mawu a, ³⁶ nukee jɔ i Ènye kə Dàdà cɔ d'evø, i dɔ ŋ qidə xixə a mə a, ŋ nu nə mi bə: Mawuvi i ŋ nyi, i mi nu bə, ŋ zan ənu də Mawu ŋ ko? ³⁷ Nə nyi í lə wɔ tiin Dada ədə wo o, mi í ka xɔ ŋ sə o. ³⁸ Vò a, nə ŋ qe lə wɔ əcdə kə nyi yetɔ awo, i mi í xɔ ŋ sə a, mi xcsə cagbə ədə hunna wo tɔ, nə mia nya, i mɔŋjəmə bə, Dàdà l'enyə mə, i ŋ lə Dàdà a mə. ³⁹ Ènə a, wó gbə lə ji a lə Yesu, vò a, é do lə wo mə. ⁴⁰ Yesu gbə trɔ yi Judeen tɔ a ŋgbə, ləfi Jaan tɔ Mawucilələ nə amə wo lə a; i nɔ leena. ⁴¹ Amə sùgbə yì gbə leena, i nu bə: «Jaan í wɔ ənujiwun ɖekən o, vò a, ənyɔ kə i nu də ŋrucu hunna ŋ awo see i nyi àdòdo!» ⁴² Ènə a, amə sùgbə xɔ Yesu sə leena.

Yesu nyɔ Lazaa co əku

11 ɿrucu qeka l'èdè qe, i tɔbə Lazaa, ye kidə nɔvi awo nyɔrun Mari kidə Mata wo nɔnɔ Betanii bot. ² Mari huna i ɖɔ cəru kɔ də àfɔ wo nə Àxotɔ, i cɔ ye ɖa sə tutu i; nɔvi a Lazaa i l'èdə qe. ³ Nɔvi nyɔrun aməvə awo dɔ amə qeka qidə nə a nu nə Yesu bə: «Àxotɔ, əxrc əwo l'èdè qe.» ⁴ Kə Yesu sə ənə a, é nu bə: «Èdə a í ka wu Lazaa o, vò a, èdè a la qə Mawu ye wunsən disa. Ènə a, Mawu Èvi

ye wusən la nyi qədqə disa.»⁵ Yesu rɔn Mata kidə nɔvi nyɔrun a kidə Lazaa.⁶ Kə Yesu sə bə Lazaa l'èdà qe a, é no ləfi i lə qe a, nə ŋkəkə aməvə,⁷ i nu nə ye dəkprɔvi wo bə: «Mía trɔ yì Judee kanmə.»⁸ Ye dəkprɔvi awo nu nə ε bə: «Eñukpramətɔ, í diŋdin qefia o, i Jifu əgan wo lə ji a dà əkpə sə wù əwo, i a gbə trɔyi leena a?»⁹ Yesu nu nə wo bə: «Iŋ nyi gàxòxò aməwivə i lə ŋkəkə qeka mə a? Nə amə qə lə zɔn lə əñukkəkə mə a, ŋ krə nə àfɔ o, qo é lə kpɔ xixə a ye kèkrə.¹⁰ Vò a, nə amə qə lə zɔn lə əzan mə a, é krə nə àfɔ, qo kèkrə í lə ya mə o.»¹¹ Kə Yesu nu ənə jrɔ a, é gbə nu dəji bə: «Mía xrɔ Lazaa dɔn arɔn, vò a, ma ve nyɔ ε.»¹² Àdèkprɔvi awo nu nə ε bə: «Àxotɔ, nə i nyi arɔn i lə dɔn a, èdà a vɔ nə ε.»¹³ Lazaa ku i Yesu lə nu nə wo, vò a àdèkprɔvi awo bù bə arɔn gbale ənyɔ i lə nu.¹⁴ Eñə a, Yesu qəgɔmə nəwo bə: «Lazaa ku.¹⁵ Cagbə miatɔ a, èji jɔ ŋ, bə nyə í leena gbɔxɔ i ku o, ənə a mia ka də əjinyə. Vò a, mi va mía yì gbo.»¹⁶ Eñə a, Tɔma kə wo nyɔnɔ bə «Ekranvi a», nu nə àdèkprɔvi qeyə wo bə: «Mia yì, míacawo mía ku kidə e.»

¹⁷ Kə Yesu va a, é sə bə wo cɔ Lazaa əccɔ də əyɔdo mə, é wɔ ŋkəkə ənə vɔ.¹⁸ Betanii təbɔ Jeruzalemù sigbə əmɔjrəkpo amɔtɔn ənə.¹⁹ I Jifu wo sùgbɔ va Mari kidə Mata gbo, i a ci wo nə wo nɔvi kə ku a.²⁰ Kə Mata sə bə Yesu gbo nɔ a, é ve dogo e; vò a, Mari ci àxo mə.²¹ Mata nu nə Yesu bə: «Àxotɔ, nə i nyi lela i ə menə lə a, nɔvinyə í ka ku o!²² Ganjkə, ifia ca a, í nya bə ənu qesyaqə kə a byɔ Mawu a, a na əwo.»²³ Yesu nu nə ε bə: «Tɔɔ nɔvi la nyɔ co əku.»²⁴ Mata nu nə Yesu bə: «Iŋ nya bə a nyɔ, gbəkikə aməkuku wo la nyɔ co əku lə ŋkəkə ŋgbəsitɔgbə a.»²⁵ Yesu nu nə ε bə: «Eñyə i nyi nyɔnɔ co əku, i gbə nyi agbə. Amə kə xɔ ŋ sə a, nə i ku ca a, a nɔ agbə,²⁶ i amə

kè l'agbè, i xɔ ñ sè a, ñ ka ku gbèdè o. È xcsè ènè a?»²⁷ Mata rɔn nè Yesu bə: «Eεn, Àxotɔ, ñ xcsè bə è nyi Kriso Xògantɔ, Mawu Èvi kə la va xixè a mə a.»

²⁸ Kə mata nu ènè jrc a, é yi, i ve yɔ nɔvia nyɔrun Mari, i dɔkpa nè ε bə: «Ènukpramètɔ a va, i lè yɔ əwo.»²⁹ Kə Mari sè ènè a, é co zedeka i yi Yesu gbo.³⁰ Vò a, Yesu ñ dɔ bota a mə hađo o, é kpɔtɔ qe lè lèfi Matə do əgo e lè a.³¹ Kə Jifu kə va àxo a mə, i va ci Mari awo kpɔ bə Mari co kaba i do a, wó kpɔ ε do, i bù bə é ka ve fan avin lè əyɔdo a gbo i.³² Kə Mari va lèfi Yesu lè, i kpɔ ε a, é jè əkroji də àkɔmè nè ε, i nu nè ε bə: «Àxotɔ, nè lela i è mènè lè a, tiin nɔvi ñ ka ku o.»³³ Kə Yesu kpɔ bə Mari kidə Jifu kə kpɔ ε do awo lè fan avin a, è və ñ, i aye gbando nè ε.³⁴ I ì ka wo sə bə: «Lèfi mi cɔ ε do?» Wó rɔn nè ε bə: «Àxotɔ va kpɔ.»³⁵ I Yesu fan avin.³⁶ Jifu awo nu bə: «Mi kpɔ sigbə i rɔn Lazaa qee!»³⁷ Vò a, amèdəwo lè wo mə, i lè nu bə: «Ya kə hun ñkuvi nè ñtɔnɔ a, ñ ka tè ñ wɔ nè Lazaa na gbə kuku a?»³⁸ Èñu gbə ku Yesu, i ì yi əyɔdo a to. Èyɔdo a, əkpə mə i wo kù i do, i cɔ əkpə qekə cɔn ènù nè ε.³⁹ Yesu nu bə «Mi bri əkpə a ji i.» Matə kə nyi Lazaa kə ku a nɔvi nyɔrun a, nu nè ε bə: «Àxotɔ, a lè hɔn vɔ, dɔ è wɔ ñkəkə ènè l'eyɔdo a mə vɔ.»⁴⁰ Yesu nu nè ε bə: Nyè ñ nu n'èwo bə nè è xcsè a, aa kpɔ Mawu è ñusən a?⁴¹ Wo də əkpə a ji i, Yesu cɔ ñkuvi də əji, i bə: «Dàdà, ñ do akpə n'èwo bə è dɔ èto ñ.⁴² Ñ nya bə è dɔ nè èto ñ tegbèe, vò a, amə sùgbɔ kə xixra də ñ qe awo i dɔ ñ lè xonu ènè, nè wo a nya bə əwo i dɔ ñ qidə.»⁴³ Kə Yesu nu ènè jrc a, é də axa sinsin i bə: «Lazaaa, do va!»⁴⁴ Amèkuku a do co əyɔdo a mə nyawo, i atra kə wo sə tro də alɔ wo kidə àfɔ wo qe nè

ε a, kpɔtɔ dɛ lə brabra; i àvɔn kə wo sə bra agba nə ε a, lə ɲkuvimə dɛ nə ε. Yesu nu nə wo bə: «Mi tu i, i gbə e dɛ nə a yì.»

Ǝhabəbəgan wo lə bra əgbə də Yesu ɲ

Matie 26:1-5; Makə 14:1-2; Luka 22:1-2

⁴⁵ Kə Jifu kə va Mari gbɔ awo kpɔ ənu kə Yesu wɔ a, wó domətɔ sùgbɔ xɔ ε sə. ⁴⁶ Vò a, wo domətɔ dəwo ve kpɔ Farizì wo i nu ənu kə Yesu wɔ a n'əwo. ⁴⁷ Ènə a, Mawuvɔsatɔgan wo kidə Farizì wo yɔ kojodotɔganwo bòbò, i nu bə: « Ɲuncu hunna lə də dəsi sùgbɔ disa to ənujiwun mə. Nukee mía wɔ? ⁴⁸ Nə mí gbə e dɛ, i ì yi ɲkɔ lə ənu kə ì lə wɔ a mə a, amə wo see la xɔ ε sə, i rɔmatɔ wo la gban mía Mawusənxo kidə mía dùkɔn.» ⁴⁹ Vò a, wo domə tɔ dəka tɔ bə Kayifu i nyi Mawuvɔsatɔgan l'əxo hunna mə. Ê nu nə wo bə: «Mi ý mɔŋjə ənu dəken ɲ o.» ⁵⁰ Mi ɲ kpɔ bə, nə amə dəka tɔtɔ ku də dùkɔn a tamə a, é nyɔ nə mí wu dùkɔn a see na gban a?» ⁵¹ Vò a, ý nyi yentə əjro mə i ì lə xo nuxo hunna lə o, vò a, kə i nyi Mawuvɔsatɔgan lə əxo hunna mə a, Mawu xonu toji bə Yesu də a ku də dùkɔn a see tamə. ⁵² ý nyi dùkɔn hunna tamə dədə, i a ku do o, vò a, a gbə bɔ Mawu vi kə gbando awo d'ədu. ⁵³ Co gbona i wó cɔ gbəta bə yewo a wù Yesu. ⁵⁴ Yeidɔ, i Yesu ý gbə də nɔ dəkia disa nə Jifugan wo lə gbaŋgbə o. Ê yi əkan kə təbɔ zògbèji, lə èdùgan kə tɔbə Efrayimù a mə, i nɔ leena kidə ye dəkprɔvi wo. ⁵⁵ Didivayixo Jifu wo tɔ təbɔ, i amə kə l'əkan a mə awo sùgbɔ lə yi Jeruzalènù, i a wɔ əkɔnu cɔcɔdəkɔkjítɔ gbɔxɔ əxo a na va. ⁵⁶ Wó lə Mawusənxo dɛ i lə ji Yesu, wó lə ka wo dəkiwo sə bə: «Nə mi lə bù i mɔ? A va əxo a toho a, nɔmi ý ka va o?» ⁵⁷ Mawuvɔsatɔgan wo kidə Farizì wo na əgbə dɛ bə, nə amədə dəsi ləfi Yesu lə a, é də a nu nə yewo nə wo a lə e.

Mari ɖɔ cəru kɔdə àfɔ nə Yesu

(Matie 26:6-13; Makə 14:3-9)

12 Ìkèkè adən gbàxo wo a qù didivayixo a, Yesu yi Betanii, lèfi Lazaa kè i nyɔ lè amèkuku wo mə a nɔnɔ a. ² Leena i wo nà ənuqùndù Yesu lè, i Matə lè ma ε nəwo. Lazaa nyi ɖeka lè amə kè lè qù ənu kidə e awo mə. ³ Mari cɔ cəru xɔ èho litri mamə kè wo cɔ Nadə àdòdo sə wɔ a, kɔdə àfɔ nə Yesu, i cɔ ye ɖa wo sə tutu i. Àxo a see lè hɔn cəru a. ⁴ Ènə a, Juda Iskariotə kè nyi ɖeka lè ye dækprɔvi wo mə, i kè ka va sa ε a, nu bə: ⁵ «Nukeejɔ i wo ñ na sa cəru hunna də əhoga kadrətakpo (300), i cɔ èho a sə mà nə ayamɔnɔ wo o?» ⁶ Ñ nyi ayamɔnɔ wo i Juda lè bù kpɔ, i dɔ i ì lè nu ənyɔ hunna o, vɔ a, frafitɔ i ì nyi. Yei hən nɔ èho nəwo, i finə l'əmə. ⁷ Vɔ a, Yesu nu bə: « Mi gbə nyɔrun a qe! É wɔ ənə qe nə gbəkikə wo a qì ñ a ⁸ Ayamɔnɔ wo lè kidə mi qe tegbεε, vɔ a, ənyə a, nyi ñ ka lè mia gbɔ qe tegbεε o.» ⁹ Ganamə a, jifu sùgbɔ sə bə Yesu lè Betanii. Wó ñ yi cagbə Yesu ɖekən tɔ o, vɔ a, wó yi i la kpɔ Lazaa kè Yesu nyɔ co əku a. ¹⁰ Ènə a, Mawunçsatɔgan wo cɔ gbəta i a wù Lazaa ca, ¹¹ qo cagbə yetɔ i jifu sùgbɔ lè co lè wo gbɔ i ve lè xɔ Yesu sə.

Yesu va ɖo Jeruzalemù

(Matie 21:1-11; Makə 11:1-11; Luka 19:28-40)

¹² Lè ye ɳkəgbə a, àhwà sùgbɔ kè va əxo a qù gbə awo, sə bə Yesu gbɔnɔ Jeruzalemù. ¹³ Wó see ve ji ədəbaya, i do lè èdùgan a mə, i ve do ègo Yesu, i lè də àxa bə: «Kafukafu nə Mawu! Mawu na xodə nə amə kè gbɔnɔ lè Ètchonɔ ɳkɔ mə a! Mawu na xodə nə əfyɔ Izrayelə

tɔ. ¹⁴ Yesu kpɔ ketekeτevi ḥeka i karen d'əji, sigbə Mawunyɔwema nu i bə:

15 «Vònnɔn ñ ka ji mi o, Jerizalemùtɔwo !

mi Kpɔ mia fyɔ gbɔnɔ

i kanren də ketekeτevi ji gbɔnɔ kə.»

¹⁶ Ye dəkprɔvi wo ñ mɔ ənu jə, ənu kə jɔ a mə aka aka o, vɔ a, gakəmə Yesu lə xɔ kafukafu a, i wó va ḥoŋ bə Mawunyɔ nu ənyɔ hunna də Yesu ŋ, ənyɔ hunna i àhwà a a sə cε! ¹⁷ Amə sùgbɔ kə lə Yesu gbɔ, gákəmə i yɔ Lazaa, i nyɔ ε lə aməkuku wo mə a, wo lə ḥ'èkunnu nə ənu kə wo kpɔ awo. ¹⁸ Yeidɔ, i àhwà va dogo Yesu, ḥo wo sə dəsi kə Yesu ḥə disa to ənujiwun mə a. ¹⁹ Farizi wo lə nu lə wo ḥekiwo domə bə: «Mi kpɔ bə mi ñ ka tə wɔ ənu ḥə a: Mi kpɔ sigbə amə wo see lə kprɔ ε do a! ²⁰ Grekitɔ ḥəwo lə amə kə yì Mawu sən gbə lə Jeruzalemù l'əxo a gamə awo mə. ²¹ Wó ve kpɔ Filipù kə co Betisayida lə Galilee kanmə a, wó nu nə ε bə: «Egan, Mí ka kpɔ Yesu.» ²² Filipù ve nu nə Andre, i wo see yi i ve nu i nə Yesu. ²³ Yesu nu nə wo bə: «Ègà xo i Mawu a cɔ Àgbətɔ Èvi ye ȱusən disa. ²⁴ Èen, ma nu àdòdo nə mi bə: Nə ənuku ñ yi əgùmə, i ku o, ñ na nə cèncən o, vɔ a, nə ì ku a, é cən nɔ èku sùgbɔ. ²⁵ Amə kə ḥo rɔnrɔn nə y'egbe a, la cɔ ε sə bù; vɔ a, amə kə ñ ḥo rɔnrɔn nə y'egbe lə xixə əla mə a, la hən y'egbe ḥe nə àgbəmavɔ. ²⁶ Nə amədə la sən ŋ a, na kprɔ ŋ do, ənə a, tiinməsəntɔ ca la nɔ ləfi naa nɔ a. Nə amə ḥə sən a, tiin Dada la na ε bùbù.

Yesu xonu də èku kə i ka ku a ŋ

²⁷ Ifia, tiin ye gbando, nə maa nu mɔ ? “ Ma nu bə Dàdà xɔ ŋ lə nèvə səsə kə gbɔnɔ ŋ a si i a?” Èo, nyə ŋ ka nu ənə o, hunna i dɔ

i ij va. ²⁸Dada qe tco nusen disa.» Zeqeka a wo s'egbè qeka di co jinkori i bæ: «Ij qe tiin nusen disa vò, naa gbæ qe e disa.» ²⁹Kè àhwà kæ lè leena qe awo s'egbè a, wo bæ: «Èci i d'ègbè!» Amæ buwo bæ: «Mawujedoto qeka i xonu næ e!» ³⁰Vò a, Yesu nu næ wo bæ: «Ij nyi cagbæ tiinye i ègbè hunna di o, vò a, cagbæ miato i ègbè a di. ³¹Ifia i wo a do kojo næ xixè əla; ifia i wo a nyà amæ kæ kpace næ xixè a do. ³²Ènye a, gakemæ wo a co ñ lè anyigbanji a, naa dɔn àgbetɔ wo see va ègbonye.» ³³Èku arɔkpa kæ i ka ku a ye nyɔ i i lè nu ənæ. ³⁴Àhwa a nu næ e bæ: «Mí hrèn l'ësəwema mæ bæ Kriso Xègantɔ a íj ka ku gbədè o. I wa lè nu næ mí bæ wo a co Àgbetɔ Èvi a dæ əji. Mæ e i nyi àgbetɔ èvi hunna?» ³⁵Yesu nu næ wo bæ: «Kèkræ a kpɔtɔ lè miadomæ qe næ gämæ hɔqeka; mi zɔn gákemæ kèkræ lè miadomæ a, næ zubru íj ka va do dæ mi o. Ðò amæ kæ lè zɔn zubru mæ a íj dæsi fi i yikɔ a o. ³⁶Mi xɔ kèkræ a sæ gákemæ i lè miadomæ a, kina a mia nyi kèkræ èvi wo.»

Jifu wo íj xɔ Yesu sæ o

Kæ Yesu xonu næ wo ənæ jrc a, é yi i ve bæ dæ diñdin toho.

³⁷Yesu qe dæsi sùgbɔ disa to ənujiwun mæ lè wo ŋkuvimæ, gaŋkæ wo íj xɔ sæ o. ³⁸Ènæ a, ènye kæ Mawugbædoto Ezayi nu qe a ce, yei nyi bæ:

«Ètchonɔ, mæ e i xɔ ènye kæ mí nu awo sæ?

Mæ e i Ètchonɔ qe ye nusen disa nɔ?»

³⁹Ezayi gbæ nu ənu kæ dɔ amæ hunna wo íj ka tæ xɔsæ a. Yei nyi:

⁴⁰ «*Mawu tɔn ɳkuvi nə wo,*

Nə wo ɳ ka kpɔ ənu o,

É tri ðjì nə wo,

Nə wo ȏ ka mɔŋjə ənu mə;

I va trɔ jímə,

Nə Mawu na vɔ ȶd̄ nə wo o.»

⁴¹ Ezayi nu ənə, qo é kpɔ Yesu ye ɳtikɔkɔ, i xonu də ɳ. ⁴² Ganjɛkə, Jifu ȶgan wo sùgbɔ lə xɔ Yesu sə, vɔ a, cagbə Farizì wo tɔ a, wó ȏ doji i lə nu i do o; cagbətɔ nə wo ȏ ka va nya wo do lə bɔbɔxo a o. ⁴³ ȶo kafukafu kə wo a xɔ lə àgbətɔ wo gbo a, nyɔ nə wo ɳkɔ səwu kafukafu kə wo a xɔ lə Mawu gbo a. ⁴⁴ Yesu də axa i bə: «Amə kə xɔ ɳ sə a, ɳ xɔ ənyə ɖekən sə o, vɔ a, é xɔ amə kə dɔ ɳ ɖiɖa a sə, ⁴⁵ i amə kə kpɔ ɳ a, kpɔ amə kə dɔ ɳ ɖiɖa a. ⁴⁶ ȶnyə a, ɳ va xixə a mə sigbə kekrə ənə, nə amə ɖəsyadə, kə la xɔ ɳ sə a, ɳ ka nɔ zubru mə o. ⁴⁷ Nə amədə sə tiin nyɔ wo, i ȏ zɔnɔ dəji a, ɳ nyi ənyə i la qo kojo nə ε o; qo nyi ȏ va i a qo kojo nə xixə a o, vɔ a, ɳ va i a xɔ xixə a gan. ⁴⁸ Amə kə gbə ɳ, i ɳ xɔ tiin nyɔ wo o, amə hunna a, ənu kə la qo kojo nə ε a le vɔ: ȶnyɔ kə ɳ nu a, i la qo kojo nə ε lə ɳkəkə ɳgbəsi tɔ gbə. ⁴⁹ ȏ nyi nyəɳta ce mə i ɳ lə xo nu do o, vɔ a, Dàdà kə dɔɳ ɖiɖa a ɳta i na ȶgbə ənu kə maa nu, kidə kə ma kpra amə wo a ɳ. ⁵⁰ ȏ nya bə ənu kə Dàdà a qə ȶgbə nɔ a, na nə agbə manvɔ, ənə a, ənu kə ɳ lə nu a, ɳ lə nu i sigbə tiin Dada nu i ɳ a.»

Yesu krɔ àfc nə ye dəkprɔvi wo

13 Gbɔxɔ didivayixo a na va a; Yesu nya bə gàmə sun i ye a co lə xixə əla mə yì Dàdà gbɔ. É rɔn amə kə nyi ye tɔ lə xixə a mə awo, é rɔn wo kékə yì ku. ²Gakəmə Yesu kidə ye dəkprɔviwo lə dù ənuḍuḍu fyenyitɔ a, Regba cɔ susu vɔen də aye mə nə Juda, kə nyi Simɔɔ Iskariɔtə via bə na sa Yesu. ³Yesu nya bə Dada cɔ ənu wo see də alɔ mə nə ye, i y'egbɔ i ye co, i gbə trɔ yikɔ gbɔ. ⁴Yesu co lə ənuḍuḍu a gbɔ, i rɔ ye wu dɛ, i cɔ àvɔn sə bra arin. ⁵É dɔ əci kɔ də ayawa mə, i tɔ àfc kɔkrɔ nə ye dəkprɔvi wo, i na cɔ àvɔn kə i sə bra arin a tutu i. ⁶É va jə Simɔɔ Pyee ji, i Pyee nu nə ε bə: «Àxotɔ, əwo i la krɔ àfc η a?» ⁷Yesu nu nə ε bə: «Enu kə η lə wɔ a, η ka tə nya ifia o. Vò a, aa va mɔnjəmə.» ⁸Pyee nu nə ε bə: «Ho, η ka krɔ àfc η gbədə o!» Yesu nu nə ε bə: «Nə nyə η krɔ àfc n'əwo o, ənyə kidə əwo və mi η ka gbə kpədo ənuḍə o.» ⁹Simɔɔ Pyee nu nə ε bə: «Nə i nyi ənə a, Àxotɔ η ka nyi àfc dədə i à krɔ η o, vò a, krɔ èta kidə alɔ wo ca η!» ¹⁰Yesu nu nə ε bə: «Amə kə lə əci a, àfc wo dədə i kpɔtɔ nə à krɔ, i la d̄i kəŋkəŋ, kpɔ miawo mi nyi amə kɔkɔ vò, vò a, η nyi miawo see i o.» ¹¹Enə a, Yesu dəsi amə kə ka sa ε a, yeido i ì nu bə: «Iη nyi miawo see i kɔ o.» ¹²Kə Yesu krɔ àfc nə wo jrɔ a, é cɔ ye wù do, i kanren də ənuḍuḍu kri gbɔ, i nu nə wo bə: «Mi mɔnjə ənu kə η wɔ nə mi a mə a?» ¹³Mi yɔcɔ η bə Ènukpramətɔ, i yɔcɔ η bə Àxotɔ, mia nyɔ jɔ d̄o η nyi i. ¹⁴Nə ənyə kə nyi Àxotɔ, i nyi Ènukpramətɔ a, krɔ àfc nə mi a, miacawo mi d̄o a krɔ àfc nə mia domətɔ wo. ¹⁵Đo kpɔdəŋ i η nà mi, i ənu kə η wɔ nə mia, mia wɔ ε nə miadomətɔ wo. ¹⁶Nyawo a, ma nu àdòdo nə mi: Aməsəntɔ d̄e η wunəgan ye gan o, nənə kə i

amə kə wo də qidə ñ wunəgan amə kə də e qidə a ənə. ¹⁷ Ifia kə mi dəsi ənu hunna a, nə mi wə dəji a, a nyɔ nə mi. ¹⁸ Ñ nyi mia wo see, i ñ lə xonu nɔ o, ñ dəsi amə kə ñ can awo. Mawunyɔ əla də la cε, yei i nyi:

“Amə kə lə qù ənu kidə ñ a, fɔn àhwà d'əjinyə.”

¹⁹ Ñ lə nu i nə mi ifia gbòxo nə a va jɔ. Kina a, nə i va jɔ a, mia xɔsə bə “ Ñ nyi amə kə ñ nyi a”. ²⁰ Ma nu àdòdo nə mi: Amə kə xɔ amə kə ñ də qidə a, é xɔ nyəŋta, i amə kə xɔ ñ a, xɔ amə kə də ñ qidə a.»

Yesu nu bə Juda la sa ye

(Matie 26:20-25; Makə 14:17-21; Luka 22:21-23)

²¹ Kə Yesu nu ənyɔ hunna wo jrɔ a, ye yè gbando, i ì nu bə: «Ma nu àdòdo nə mi, amə ɖeka lə miämə i la sa ñ.» ²² Àdèkpròvi awo tɔ wo ɖəkiwo kpɔ kpɔ, i lə kasə bə, mə ε i ì lə nu. ²³ Àdèkpròvi awo ɖeka, kə Yesu də rɔnrɔn nɔ a lə akpaɖeka nə ε, lə əuɖuɖu kri a gbo. ²⁴ Simɔɔ Pyee wɔ ñkuvi, bə na ka Yesu sə bə mə ε nyɔ i ì lə nu. ²⁵ Àdèkpròvia cɔ əta də akɔtanu nə Yesu i ka ε sə bə :«Àxotɔ mə ε i ?» ²⁶ Yesu rɔn nə ε bə: «Naa nyɔ kpɔnɔ kankan a də àgban mə: Amə kə ma cɔ ε nɔ a, amə a i.» Yesu cɔ kpɔnɔ kankan a, i nyɔ ε də àgban mə i cɔ ε nə Juda Simɔɔ Iskariotə əvi a. ²⁷ Kə Juda xɔ kpɔnɔ a, Regba də aye mə nə ε, i Yesu nu nə ε bə: «Ènu kə ə ka wɔ a, wɔ ε kaba!» ²⁸ Amə kə lə qù ənu kidə e awo ɖekən, ñ mɔnjə ənu kə də Yesu nu ənə nə ε a mə o. ²⁹ Kə i nyi bə Juda i hən nɔ èho a, amə sùgbɔ bù bə Yesu nu nə ε bə na ve xrə ənu kə yewo hian nə əxo a; nɔmi na nà ənu ayamɔnɔ wo i. ³⁰ Juda xɔ kpɔnɔ a, i do zəɖeka. Èzan do ganamə vɔ. ³¹ Kə Juda

do a, Yesu nu bə: «Ifia Mawu Əvi a xɔ kafukafu, i Mawu xɔ kafukafu to Əvia ji. ³² [Nə Mawu xɔ kafukafu to Əvia ji a]^b, Mawu ca la kafu əvia lə dəkia gbɔ, a kafu i ifia zaan. ³³ Əvinyə wo, nyi ï ka gbə nɔ miagbɔ sùgbɔ o. Mia ji ï, sigbə ï nu i nə Jifu ɖeya wo a, i ï lə nu i nə mia ca wo ifia: Mi ï ka tə ï yì ləfi ï yikɔ a o. ³⁴ «J lə na əsə ye ye mi: Mi rɔn miadomətɔ wo. Mi ɖo a rɔn miadomətɔ wo, sigbə ï rɔn mi a. ³⁵ Nə mi rɔn miadomətɔ wo a, amə wo see la nya bə mi nyi tiin dəkprɔvi wo.»

Yesu nu bə Pyee la gbə ye

(*Mati 26:31-35; Makə 14:27-31; Luka 22:31-34*)

³⁶ Simɔɔ Pyee ka Yesu sə bə: «Àxotɔ, fi ə yikɔ?» Yesu rɔn nə ε bə: «Ləfi ï yikɔ a, ï ka tə kprɔ ï do ifia o, vɔ a, a va kprɔ ï do lə ifia zan.» ³⁷ Pyee ka Yesu sə bə: «Àxotɔ, nukeejɔ i nyə ï ka tə kprɔ əwo do ifia o? Naa cɔ tiingbə sə na də tɔ tamə!» ³⁸ Yesu nu nə ε bə: «È lə əgbəssɔɔ i la cɔ tɔɔgbə sə na də tiintamə nyawo a? Ma nu àdòdo n'əwo gbɔxɔ kokro la d'atɔ a, a gbə ï zətɔn.»

Yesu i nyi əmɔ kə yi Dàdà gbɔ a

14 Yesu nu nə Ye dəkprɔvi wo bə: «Aye ï ka gbando nə mi o. Mi xɔ Mawu sə, i xɔ ŋca sə. ² Lə tiin Dada xo mə a, nɔxɔ sùgbɔ i le. Yeidɔ ï nu nə mi bə: “Naa ve grado toho ɖe nə mi.” ³ I nə ï ve gra toho a do jrɔ a, naa trɔva kprɔ mi, i ləfi ï lə a miacawo mia nɔ leena. ⁴ Mi dəsi əmɔ kə yi ləfi ï yikɔ a.» ⁵ Tomà nu nə ε bə: «Àxotɔ, mi ï dəsi ləfi ə yikɔ a o. Nə mía wɔmɔ i dəsi əmɔ a?» ⁶ Yesu rɔn nə ε bə: «Enyə i nyi əmɔ a, i nyi àdòdo a, i gbə nyi àgbè a. Amə ɖekən ï ka tə yì Dada a gbɔ nə ï to əjinyə o.» ⁷ Nə mi dəsi ï a, mia dəsi tiin

Dada ca. Co ifia a, mi dəsi i, i kpɔ ε.»⁸ Filipù nu nə ε bə: «Àxotɔ disa Dàdà a nə mí, ənu kə mí lə ji a see nə.»⁹ Yesu nu nə ε bə: «Filipù, E diŋdin qefia i η lə kidə mi, i η dəsi η o. Amə kə kpɔ η a, kpɔ Dàdà a. Nə aa tə η nu bə: “Disa Dàdà a nə mí mɔ?»¹⁰ Ij xɔsə bə η lə Dàdà a mə, i Dàdà a lə ənyə mə a? Ènyɔ kə η nu nɔ nə mi awo, í nyi ənyə ηta gbɔ i wo co nɔ o, vò a, Dada kə lə ənyə mə a, i wɔnɔ yεnta èdɔ wo.¹¹ Mi ka də ənyɔ kə η lə nu nə mi, i bə: Ij lə Dada a mə, i Dada a lə ənyə mə a ji. Nə mi í ka də tiinnyɔ ji o, mi kpɔ də èdɔ kə η lə wɔ awo η kpete, i ka d'ejinyə.¹² Ma nu àdòdo nə mi: Amə kə xɔ η sə a, la wɔ èdɔ kə η lə wɔ awo, i la gbə wɔ ε wu ənə, qɔ η yikɔ Dàdà a gbɔ.¹³ Ènu qəsyadə kə mia byɔ lə tiin ηkɔ mə a, ma wɔ ε, cagbətɔ nə Èvia na qə Dàdà ye kafukafu disa.¹⁴ Nə mi byɔ ənuqə lə tiin ηkɔ mə a, naa wɔ ε.

Yesu də Gbòngbòn Kɔkɔ ye zə

¹⁵ Nə mi rɔn η a, mia sə n'ətonu nə tiin sə wo. ¹⁶ Naa byɔ Dàdà, i à dɔ Èjifanamətɔ bulɔmə qidə mi, i à nɔ miagbɔ tegbɛe.¹⁷ Ye i, nyi Gbòngbòn àdòdotɔ, kə xixə a mə tɔ wo í ka tə í xɔ o, qɔ wó í kpɔ ε o, kpɔ wó í dəsi i o. Vò a, miawo a, mi dəsi i, i ì lə kidə mi, i lə mia mə.¹⁸ Nyi í ka gbə mi qə də əccɔvi wo gbe mə o, vò a, naa trɔva miagbɔ.¹⁹ Zààndə ifia, xixə a mə tɔ wo í ka gbə kpɔ η o, vò a, miawo a, mi a kpɔ η; qɔ η l'agbè, i miacawo mi a nɔ àgbè.²⁰ Gbona a, mi a nya bə η lə tiin Dada mə, i miawo mi l'ənyə mə, i ηca lə miamə.²¹ Amə kə xɔ nə tiin sə wo, i zɔnɔ dəji a, amə hunna i rɔn η. Amə kə rɔn η a, tiin Dada la rɔn ε, i ηca ma rɔn ε, i la disa qəkinyə nə ε.²² Juda (í nyi Juda Iskariotə o) ka Yesu sə bə: «Àxotɔ, nə i wɔmɔ i aa disa qəkiwo nə míawo qekən, i í ka disa qəkiwo nə àgbətɔ wo see

o?»²³ Yesu rɔn nə e bə: «Nə amədər rɔn ɳ a, a s'ətonu nə tiin nyɔ wo, i tiin Dada la rɔn ε, mía yi gbɔ, i la nɔ kidə e.²⁴ Amə kə ɳ rɔn ɳ a, ɳ sə n'ətonu nə tiin nyɔ wo o. Vò a, ənyɔ kə mi lə sə a, ɳ co əgbɔcnyə o, tiin Dada kə dɔ ɳ qidə a gbɔ i i co.²⁵ ɳ lə nu ənyɔ hunna wo nə mi gakəmə ɳ lə mia domə a.²⁶ Vò a, Èjifanamətɔ a, Gbɔngbòn Kókɔ kə Dàdà a la dɔ qidə mi lə tiin ɳkɔ mə i . A kpra ənu wo see mi, i la ɖoŋu ənu kə ɳ nu nə mi awo see nə mi.²⁷ Fàfa i ɳ gbə ɖe nə mi; tiin fàfa i ɳ na mi. Nyə ɳ na mi sigbə xixə a nanə ε a o. Aye ɳ ka gbando nə mi o, vɔnnɔn ɳ ka ji mi o.²⁸ Mi sə i ɳ nu bə: “ɳ yikɔ, vò a, naa trɔva miagbɔ.” Nə mi rɔn ɳ a, a nà mi jijè bə ɳ yikɔ Dada a gbɔ, ɖo Dàdà a wugan ɳ.²⁹ ɳ nu ənyɔ huna nə mi ifia, gbɔxɔ wo a va jɔ, kina a, nə wo va jɔ a mia ka də ji.³⁰ Nyə ɳ ka gbə xo nuxo sùgbɔ kidə mi o, ɖo amə kə kpase nə xixə əla gbɔnɔ. ɳ wɔ ɳusən ɖə ɖe də əjinyə o,³¹ Vò a, xixə a ɖo a nya bə ɳ rɔn Dàdà a, i wɔnə ənu sigbə Dàdà a dɔ ɳ a. Mi co, mía yi!

Yesu i nyi veenti àdòdo a

15 Ènyə i nyi veenti àdòdo a, i tiin Dada nyi veenbojikpɔtɔ a.

² Veenti lɔvi ɖesyadə kə lə ənyunyə, i la gbə cèncən a, Dàdà la co e ji i. Vò a, é gra nə alɔvi kə nanə cèncən a do, cagbətɔ nə a na cèncən wu ənə.³ Mi nyi amə kɔkɔ vɔ cagbə ənyɔ kə ɳ nu nə mi a tɔ.⁴ Mi nɔ ənyə mə, sigbə ɳ lə mia mə ənə. Veenti lɔvi ɖə ɳ ka tə nà cèncən ye ɖekən o, é ɖo a nɔ veenti a ɳ. Ènə a, nə mi ɳ nɔ ənyə mə o, mi ɳ ka tə na cèncən o.⁵ Ènyə i nyi veenti a, i miawo mi nyi alɔvi awo. Amə kə lə ənyə mə, i ɳ ca ɳ lə ya mə a, nanə cèncən sùgbɔ, ɖo mi ɳ ka tə ɳ wɔ ənuɖekən nə nyi ɳ ləmə o.⁶ Nə amə ɖə ɳ l'ənyə mə o, wo a co e danŋkpìn, sigbə wo co nə veenti lɔvi wo, i wo a xu, i

wo a lɔ wo kɔ d'èzo mə, i wo a bi ənə. ⁷Nə mi nɔ ənyə mə, i tiin ny
wo nɔ mi amə a, nə mi byɔ ənu kə jro mi a, mia kpɔ ε xɔ. ⁸Nə mi na
cèncən sùgbɔ, i sə disa bə mi nyi tiin dəkprɔvi àdòdo wo a, a də tiin
Dada ye kafukafu disa. ⁹Ij rɔn mi sigbə tiin Dada rɔn η ənə. Mi nɔ
tiin rɔnrɔn mə. ¹⁰Nə mi s'ətonu nə tiin sə wo a, mia nɔ tiin rɔnrɔn
mə, sigbə η s'ətonu nə tiin Dada ye sə wo i lə ye rɔnrɔn mə a ənə.
¹¹Ij nu ənə nə mi cagbətɔ tiin jìjì na nɔ mi amə, nə mia jìjɔkpɔkpɔ na
nyi brəbu. ¹²Tiin sə kə: Mi rɔn miadomətɔ wo, sigbə η rɔn mi ənə.
¹³Rɔnrɔn də jí wugan wo a cɔ amə əgbe sə na də amə xɔ wo tamə
o. ¹⁴Nə mi zɔn də ənu kə η dɔ mi a ji a, mia nyi èxrcnyə wo. ¹⁵Nyi
jí ka gbə yɔ mi bə aməsəntɔ o, dɔ aməsəntɔ jí dənəsi ənu kə ye xotɔ
lə wɔ o. Ij yɔ mi bə èxrc, dɔ η disa ənu kə η sə lə tiin Dada gbo awo
see nə mi. ¹⁶Ij nyi miawo i can η o, ənyə i can mi, i cɔ ədɔ də asi nə
mi bə mia yi, i na cèncən, nə mia cèncən na nɔ anyi. Kina a, Dàdà la
na mi ənu kə mia byɔ lə tiin ηkɔ mə awo see. ¹⁷Ənu kə η lə dɔ mi a,
i nyi bə mia rɔn miadomətɔ wo.

Xixə a mə tɔ wo gbə Yesu kidə ye dəkprɔvi wo

¹⁸Nə xixə a mə tɔ wo gbə mi a, mia nya bə ənyə i wo gbə gbɔxo i
va gbə mi. ¹⁹Nə mi nyi xixə a tɔ a, xixə a mə tɔ wo la rɔn amə kə nyi
wo tɔ wo. Vò a, mi jí nyi xixə a tɔ o; η can mi, i də mi d'èvo nə xixə
a mə tɔ wo. Yeidɔ i xixə a mə tɔwo gbə mi. ²⁰Mi ɖoŋu ənyə kə η nu
nə mi a: "Aməsəntɔ də jí wu nə əgan ye xotɔ o." Nə wó ɖəfun η a, wó
a ɖəfun nə miacawo, kpɔ nə wó zɔn də tiin nyɔ wo ji a, wó a zɔn də
miacawotɔ ji. ²¹Wó a wɔ ənu hunna wo see kidə mi, cagbə tiinnyə;
dɔ wó jí dəsi amə kə dɔ η ɖiɖa o a. ²²Nə nyə jí mənə va, i xonu nə
wo o; wó jí ka nyi àgɔjətɔ o. Vò a, ifia kə η va, i xonu nə wo a, wo

ń ka gbə kpə ənyə də nu, i la sə xə wodəkiwo lə wogɔjəjə wo mə o.
 23 Amə kə gbə η a, gbə tiin Dada ca. ²⁴Nə nyə ń məne wə ədə kə amə
 bu də η wə kpə gbədə awo lə wodomə a, àgɔjəjə də η ka l'ekə nə wo
 o. Ifia wó kpə ədə kə η wə awo, ganjəkə wó gbə ənyə kidə tiin Dada.
 25 Ènu hunna jə cág'bə nə ənu kə wo ɳrə də əsəwema mə na ce, yei
 nyi: "Wó gbə η, də ənu matə də ənu də η." ²⁶Gàkəmə Èjìfanəamətə
 kə maa də qidə mi co Dàdà gbə a la va a, ya kə nyi Gbòngbòn àdòdo
 tɔ, i co Dàdà gbə a, la q'èkunnu η. ²⁷i miacawo mia q'èkunnu η, qo
 mi l'èdu kidə η co gəməjəjə. ¹Ń nu ənyə hunna wo see nə mi, nə mi
 ń ka gbə xəsə də o. ²Wo a nya mi lə jifuwobəbəxə wo, ègà a ka xo,
 i amə ɖekən kə la wù mi a la bù bə Mawu i ye lə sən ənə. ³Wó a wə
 ənə də wó ń dəsi Dàdà o, kpə wo η dəsi ɳca o. ⁴Vò a, η nu ənə nə
 mi, cagbətə nə y'egà va xo a, mia ɖoŋ bə η nu i də nə mi.

Èdə kə Gbòngbòn Kəkə wənə a

16 «Nyi ń nu ənyə hunna wo nə mi co gəməjəjə o, də η l'èdu də
 kidə mi. ⁵Ifia, η yikə amə kə də η qidə a gbə. Kpə amə ɖekən
 η lə miadomə i ka η sə bə: "Ləfi ə yikə maa o? ⁶Vò a, kə η nu ənyə
 hunna wo nə mi a, əŋu ku mi taŋ. ⁷Vò a, àdòdo i η lə nu nə mi, ənyə
 nə mi bə ma yi, də nə nyə η yi o, Èjìfanəamətə a ń ka va o, vò a, nə
 η yi a, na də ɛ qidə mi. ⁸Nə i va a, a də disa nə xixə a mə tɔ wo bə,
 sùsu kə wo wə də də àgɔjəjə η, kidə kə wo wə də də ənujcɔ wəwə,
 kidə kojodə o η a, ń sɔgbə o. ⁹Wó a mɔŋjəmə bə sùsu kə wo wə də
 də àgɔjəjə η a, ń sɔgbə o, də wó ń xə η sə o. ¹⁰Wó a mɔŋjəmə bə
 sùsu kə wo wə də də ənu jcɔ wəwə η a, ń sɔgbə o; də η yikə Dàdà
 a gbə, i mi ń ka gbə kpə η o. ¹¹Wó a mɔŋjəmə bə sùsu kə wo wə də
 də kojodə o η a, ń sɔgbə o, də wo də kojo nə àcəkpətə xixə əla tə

vc. ¹²Í wà ənyù sùgbò dè i à nu nə mi, vò a, wo kpən wu mi ifia. ¹³Gakəmə Gbòngbòn àdòdoto la va a, a kprɔ mi to àdòdo a see mə. Í nyi yenja cè mə i ì a xonu do o, vò a, a nu ənu kə i sè awo see nə mi, i à nu ənu kə la va jɔ a nə mi. ¹⁴A dè tiinjusən disa, də ənu kə ñ nu nə ε a, i à nu nə mi. ¹⁵Ənu kə nyi tiin Dàdà tɔ awo see i nyi tinyè. Yeido i ñ nu nə mi bə, ənu kə ñ nu nə ε a, i à nu nə mi. ¹⁶Zandə a, mi í ka gbə kpɔ ñ o, i nə ì gbə nɔ zandə a mia gbə trɔ kpɔ ñ.» ¹⁷Kə i nu ənə a, ye dəkprɔvi dəwo lè nu lè wođekìwo domə bə: «Nukee i lè nu nə mí ma? É nu bə: "Zandə a, mi í ka gbə kpɔ ñ o, i nə i gbə nɔ zandə a, mia gbə trɔ kpɔ ñ. "I gbə nu bə: "Í ka yi Dàdà gbo".» ¹⁸Nə "zandə a" lè nu mɔ? Mí í səgɔmə o.» ¹⁹Kə Yesu nya bə wó kaa ka ənyù ye sə a, é nu nə wo bə: «Mi lə ka ənyù miađəkiwo sə də ənu kə ñ ka nu, i bə: "Zandə a, mi í ka gbə kpɔ ñ o, i nə i gbə nɔ zandə a mia gbə trɔ kpɔ ñ a ñ."» ²⁰Ma nu àdòdo nə mi bə: Mia lə fan avin, i la lə fan akwe, vò a, xixə a mətɔ wo la lə kpɔ jìjò; mia lə sə vèvə, vò a, mia vèvə səsə la trɔzun jìjò kpɔkpɔ nə mi. ²¹Nə nyɔrun kaa ji èvi a, é sə nə vèvə, də vèvəsəsə ye gàmə i sun nə ε; vò a, nə i ji èvi a jrɔ a, í gbə də n'əwun vèvə kə i sə a o, é nɔ nə jìjòkpɔkpɔ mə, də ə ji àgbətɔ. ²²Nənə kə i miacawo mi lə ɳtikuku mə dè ifia a nə, vò a, naa gbə trɔ kpɔ mi, i èjì a jɔ mi, i jìjò kpɔkpɔ hunna a amə ɖekən í ka tə xɔ ε lə miasi o. ²³Azan hunna gbə a, mi í ka gbə ka ənuđekən ñ sə o. Èen àdòdo i ñ lə nu nə mi, Dàdà la nà mi ənuđəsyadə, kə mia byɔ ε lə tiin ɳkɔ mə a. ²⁴Kəkə jə ifia a, mi í byɔ ənuđekən lə tiin ɳkɔ mə hađo o. Mi byɔ ənu, wo a na mi, kina a mia jìjò kpɔkpɔ la lə brəbu.

Yesu qù lè xixə aji

²⁵ Ixo nuxo hunna wo see nə mi to əlododo mə, vò a, ègà la va xo, i nyə í ka gbə xonu nə mi to əlododo mə o, ègà hunna mə a, naa xonu nə mi faa də Dada a ñ. ²⁶ Azan hunna gbə a, mia byɔ ənu tiin Dada lə tiin ñkɔ mə, nyi í lə nu nə mi bə maa d'akpə nə Dada də mia ta mə o. ²⁷ Do Dada ñta rɔn mi. Í rɔn mi cagbə rɔnrɔn kə mi qo ñ a tɔ, é rɔn mi, qo mi xɔsə bə Mawu i dɔ ñ qidə. ²⁸ Dada a gbo i ñ co i va xixə a mə, ifia, ñ lə co lə xixə a mə yikɔ Dàdà gbo.» ²⁹ Ye dəkprɔvi wo nu nə ε bə: «Ifia, é lə xonu nə mi faa, i í gbə xonə ε to əlododo mə o. ³⁰ Ifia, mí nya bə ə dəsi ənu wo see, i í gbə hian bə wo a ka nə ənyu əwo sə o. Ènu hunna i dɔ, i mi xɔsə bə ə co Mawu gbo.» ³¹ Yesu ka wo sə bə: «Mi xɔsə xotɔn a? ³² Ègàamə gboñc, é va ca vɔ, i mia gbando, i amə ñeka ñeka la cɔ y'əmɔ, i mi a gbə ənyə ñekən qe. Vò a, í nyi ənyə ñekən i mi a gbəqe o, qo Dada lə kidə ñ. ³³ Iñ nu ənyu hunna nə mi, nə mia kpɔ fàfa l'ənyə mə. Mi a sə vèvə lə xixə a mə, vò a, mi doji; qo ñ qù lə xixə a ji !»

Yesu xɔdə nə ye dəkprɔvi wo see

17 Kə Yesu nu ənə jrc a, é cɔ ñkuvi d'əji, i bə: «Dàdà, ègà a xo, cɔ bùbù nə əvio, nə əvio ca na cɔ bùbù n'əwo. ² È na ε àce də àgbàtɔ wo see ji, cagbətɔ nə a nà àgbè mavɔ amə kə ə cɔ də asi nə ε awo see. ³ Àgbè mavɔ a, i nyi wó a dəsi əwo. Èwo kə nyi Mawu àdòdo ñeka tɔtɔ, kidə Yesu Kriso amə kə é dɔ qidə a. ⁴ Iñ cɔ kafukafu n'əwo lə anyigbanji; i wɔ ədɔ kə ə dɔ ñ bə ma wɔ a jrc. ⁵ Ifia, Dàdà, nà ñ bùbù kə ñ wɔqə l'əgbɔ əwo a; bùbù hunna kə ñ wɔ qe gbɔxɔ xixə a na jɔ a. ⁶ «Iñ cɔ əwo disa nə amə kə ə can lə xixə a mə, i cɔ wo

də asi ŋ̊ awo. Wó nyi t̊two v̊ò, e c̊ wo d̊e al̊ m̊e ŋ̊, i wó s'ētonu n̊e t̊co nẙ. ⁷Wó nya ifia b̊e ənu k̊e e c̊ d̊e asinẙe awo see a, əgb̊awo i wó co. ⁸Đo ənẙu k̊e e c̊ d̊e asi ŋ̊ a, ŋ̊ c̊ e n̊ewo, i wó x̊ wo, i nya b̊e əgb̊awo i ŋ̊ co nyawo, i x̊sə b̊e əwo i d̊e ŋ̊ q̊ida. ⁹ŋ̊ l̊e x̊od̊e n̊ewo, nẙe ʃ̊ l̊e x̊od̊e n̊e x̊ix̊e a m̊et̊ wo o, v̊ò a, ŋ̊ l̊e x̊od̊e n̊e am̊e k̊e e c̊ d̊e al̊ m̊e ŋ̊ awo, q̊o wó nyi t̊two. ¹⁰Ənu k̊e nyi tinẙe awo see i nyi t̊two, i ənu k̊e nyi t̊two awo see nyi tinẙe; i tiin ɳ̊usən nyi q̊ed̊e disa l̊e wo m̊e. ¹¹Nẙe ʃ̊ g̊b̊e l̊e x̊ix̊e a m̊e o, v̊ò a, wawo l̊e x̊ix̊e a m̊e, nya ŋ̊ g̊b̊onu əgb̊awo. Dàdà K̊ök̊o, kp̊o wo ji l̊e t̊co ɳ̊k̊o m̊e. ș̊jk̊o k̊e e n̊à ŋ̊ a, n̊e wo a n̊o ɭeka ẘaẘo m̊e, sigb̊e ənẙe kid̊e əwo mi l̊e ɭeka ẘaẘo m̊e ən̊e. ¹²Gak̊em̊e ŋ̊ l̊e wo g̊b̊o a, ŋ̊ kp̊o wo ji l̊e t̊co ɳ̊k̊o m̊e. ș̊jk̊o k̊e e na ŋ̊ a. ș̊ c̊on al̊ wo ji, i am̊e ɭ̊e ʃ̊ b̊ù l̊e wo m̊e o, z̊en l̊e am̊e k̊e q̊o la b̊ù i Mawunẙu wema nu a ŋ̊ o. ¹³V̊ò a, ifia ŋ̊ g̊b̊onu əgb̊awo, i l̊e nu ənẙu əlawo gak̊em̊e ŋ̊ g̊b̊e l̊e x̊ix̊e a m̊e a, cagb̊et̊e n̊e tiin j̊ij̊ì na n̊o wo m̊e, i à nyi j̊ij̊ì kp̊okp̊o br̊ebu. ¹⁴ș̊ c̊ t̊co nẙ d̊e asi n̊e wo, i x̊ix̊e a m̊et̊ wo g̊b̊e wo, q̊o wó ʃ̊ nyi x̊ix̊e t̊o, n̊en̊e k̊e i nẙe ca nẙe ʃ̊ nyi x̊ix̊e a t̊o ən̊e. ¹⁵Nẙe ʃ̊ l̊e bẙc̊ b̊e na ɭ̊e wo jii l̊e x̊ix̊e a m̊e o, v̊ò a, na c̊on al̊ wo ji, n̊e regba ŋ̊ ka kp̊e wo ji o. ¹⁶Wó ʃ̊ nyi x̊ix̊e a t̊o o, n̊en̊e k̊e i ɳ̊ca nẙe ŋ̊ nyi x̊ix̊e a t̊o ən̊e. ¹⁷W̊o n̊e wo a nyi t̊two br̊ebu to àdòdo a m̊e; t̊co nẙu i nyi àdòdo a. ¹⁸Sigb̊e e d̊e ŋ̊ q̊ida x̊ix̊e a m̊e a, n̊en̊e k̊e i ŋ̊ d̊e wo q̊ida x̊ix̊e a m̊e n̊e. ¹⁹ș̊ c̊ ɭeekinẙe br̊ebu s̊e na d̊e wo tam̊e. Cagb̊et̊e n̊e wo ca wo na c̊ wo ɳ̊ta wo br̊ebu s̊e na to àdòdo a m̊e. ²⁰Nẙe ʃ̊ l̊e x̊od̊e n̊e wo ɭeka o, v̊ò a, ŋ̊ l̊e xo e n̊e am̊e k̊e la va x̊o ŋ̊ s̊e, to tiinẙu k̊e wo a nu ne wo a ji. ²¹ș̊ l̊e x̊od̊e n̊e wo see na nyi ɭeka, sigb̊e əwo Dàdà ə l̊e ənẙe m̊e, i ɳ̊ca ŋ̊ l̊'əwo m̊e ən̊e. N̊e woca wo la n̊o mia m̊e, n̊e x̊ix̊e a m̊e t̊o wo na ka d̊e ji b̊e əwo i

dɔ ŋ qidə. ²²ŋ cɔ kafukafu kɛ ə cɔ ŋ a nə wo, cagbətɔ nə wo a nyi ɖeka, sigbə nyə kidə əwo mi nyi ɖeka a ənə. ²³ŋ lə wo mə, woca ə l'enyə mə, ənə a woca wo a nyi ɖeka nyawo, cagbətɔ nə xixə amə tɔ wo na nya bə əwo i dɔ ŋ qidə; i ə rɔn wo sigbə ə rɔn ŋ a. ²⁴Dàda, ŋ ji bə, fi ŋ lə a, amə kə ə cɔ də asi ŋ a wo ca na nɔ leena kidə ŋ; nə wó a kpɔ kafukafu kɛ ə nà ŋ a. Ðo ə ɖo rɔnrɔn ŋ gbòxo xixə a na jɔ. ²⁵Dàdà, əwo kə nyi amə jɔjɔ a, xixə a mə tɔ wo ʃ dəsi əwo o, vɔ a, nya ŋ dəsi əwo, i amə əla wo nya bə əwo i dɔ ŋ qidə. ²⁶ŋ ɖə tɔ ŋkɔ disa nə wo, i la gbə ɖə e disa nə wo dəji, cagbətɔ nə rɔnrɔn kɛ ə ɖo ŋ a, na nɔ wo mə, nə ŋca ma nɔ wo mə.

Wo lə Yesu

(Matié 26:47-56; Makə 14:43-50; Luka 22:47-53)

18 Kə Yesu nu ənə jrɔ a, ye kidə ye dəkprɔvi wo yì Sedrɔn tɔ a ŋgbə; Abrɔ ɖeka leena i ye kidə ye dəkprɔvi wo ɖo mə. ²Juda, kə ka sa Yesu a dəsi leena, ɖo Yesu kidə ye dəkprɔvi wo bɔ nɔ də leena ɖədeca. ³Juda kprɔ àhwàkɔn kidə Mawusənxocɔtɔ wo, kə Mawuvɔsatɔ gan wo kidə Farizì wo dɔ qidə awo yi leena. Wó kpadji, i hən kandegban wo, əzòti wo, kidə àhwànu wo. ⁴Yesu nya ənu kə ka jɔ dəji awo see, i zɔn yi wo gbo, i ka wo sə bə: «Mə ε i mi lə ji?» ⁵Wó rɔn nə ε bə: «Yesu Nazareti tɔ a.» Yesu nu nə wo bə: «Enyə kə.» I Juda kə ka sa ε lə leena ɖε kidə wo. ⁶Kə Yesu nu nə wo bə: «Enyə kə» a, wó gbo yi ŋgbə, i gejen. ⁷Yesu gbə trɔ ka wo sə bə: «Mə ε i mi lə ji?» Wó rɔn nə ε bə: «Yesu Nazareti tɔ.» ⁸Yesu gbə nu nə wo bə: «I nu nə mi, bə ənyə kə; nə i nyi ənyə i mi lə ji a, mi gbə amə əla wo ɖε nə wo a yi.»

⁹ Cagbətə nə ənyə kə i nu qə a na cə, yei i nyi: «Amə kə ə cə də asinyə awo qə íj bù o.» ¹⁰ Simco Pyee hən əwi qə, i rə ε lə àku mə, i kpa əto qusimətə nə aməsəntə Mawuvəsatə gan a tə, aməsəntə hunna təbə Macusə. ¹¹ Vò a, Yesu nu nə Pyee bə: «Cə təowi də àku mə. È bù bə vəvə səsə kəfū kə tiin Dada na ə a, nyi ə na nu i e a?» ¹² Ènə a, àhwàkən a, kidə wo gan, kidə Mawusənxocətə kə jifugan wo də qidə a wo, wo lə Yesu, i bra ε. ¹³ Wó kprə ε sə yì Anà gbo jəŋkə. Anà a, nyi Kayifu ye sitə, i Kayifu nyi Mawuvəsatə gan l'əxo hunna mə. ¹⁴ Vò a, Kayifu hunna i kpra ənu Jifugan wo qədəca bə: «Ènyə wu bə amə qeka tətə na ku də dükən a tamə.»

Pyee gbə bə ye íj lə Yesu dəkprəvi wo mə o

(Matie 26:69-70; Makə 14:66-68; Luka 22:55-57)

¹⁵ Simco Pyee kidə àdèkprəvi buləmə kprə Yesu do. Àdèkprəvi buləmə hunna a Mawuvəsatə gan a dəsi i, ənə a, yeca qə Mawuvəsatə gan ye xo mə kidə Yesu. ¹⁶ Vò a, Pyee nə xixənu l'agbo nu. Àdèkprəvi qəya kə Mawuvəsatə gan dəsi a, do i xonu nə nyərun əmənucətə a, i kprə Pyee qə axo a mə. ¹⁷ Nyərun aməsəntə əmənucətə a ka Pyee sə bə: «Èwo ca ə nyi qeka lə əyucu hunna ye dəkprəvi wo mə a?» Pyee nu nə ε bə: «Èo nyə íj lə wo mə o.» ¹⁸ Kə vùvò lə wə a, aməsəntə awo kidə Mawusənxocətə wo bə èzo, i lə xu i. Pyee ca lə wo mə i lə xu èzo.

Mawuvəsatəgan ka ənyə Yesu sə

(Matie 26:59-66; Makə 14:55-64; Luka 22:66-71)

¹⁹ Mawuvəsatəgan ka ənyə Yesu sə də ye dəkprəvi wo kidə ye ənukpramə ə. ²⁰ Yesu nu dəj nə ε bə: «Gbaŋgba i ə xonu lə nə

amə wo see, η kpra nə ənu amə wo tegbəe lə jifubɔbɔxo wo kidə lə Mawusənxo, ləfi jifu wo bɔ nə lə awo see, nyə ï nu ənyɔ də də ənugɔmə o. ²¹ Nukeejɔ i e lə ka ənyɔ η sə? Ka ənyɔ kə η nu a sə, amə kə də əto η awo: Wawo nya ənyɔ kə η nu a.» ²² Kə Yesu nu ənə a, Mawusənxocɔtɔ kə leena də awo ɖeka xo ətomə nə ε, i nu bə: «Sigbə aa xonu nə Mawuvɔsatɔgan mɔ a nə a?» ²³ Yesu nu nə ε bə: «Nə η xonu d'àgɔ a, nu ənu kə η nu d'àgɔ a η, kpc nə η xonu nyɔñgbin i a, nu ənu kə dɔ i e xo η a?» ²⁴ Yesu lə brabra ənə, i Anà dɔ ε ɖiða Kayifu Mawuvɔsatɔgan a gbɔ.

Pyee trɔ gbə Yesu

(Matie 26:71-75; Makə 14:69-72; Luka 22:58-62)

²⁵ Ganamədo a, Simɔ Pyee leena i lə xu əzò, i wo ka ε sə bə: «Ewo ca η nyi ɖeka lə ye dəkprɔvi wo mə a?» Vò a, Pyee gbə i bə: «Eo nyi ï lə wo mə o.» ²⁶ Mawuvɔsatɔgan ye məsəntɔ ɖeka, nyi amə kə Pyee kpa əto nɔ a y'emə; é ka Pyee sə bə: «Nyə η kpc əwo lə Abrɔ a mə kidə e a? ²⁷ Pyee gbə trɔ gbə; i zədəka a, kokro d'atɔ.

Wo kprɔ Yesu yi Pilatə ηkɔ

(Matie 27:1-2 - 11-14 ; Makə 15:1-5; Luka 23:1-5)

²⁸ Wó kprɔ Yesu co lə Kayifu əxomə, i kprɔ ε yi rɔmatɔwo kanməgan a ye xo mə, lə nyidi tiin. Amə kə kprɔ ε yi awo ï də axo amə o, cagbətɔ nə wo η ka ɖu əkɔ, nə didivayixo ɖuɖu na gro wo o. ²⁹ Yeidɔ, i əkanməgan Pilatə va do əgo wo də xixənu, i ka wo sə bə: «Àgɔ kee mi lə do ɳucu əla?» ³⁰ Wó nu nə ε bə: «Nə ï lə wɔ ənunɔen də o a, mi ï ka cɔ ε də àsi n'əwo o.» ³¹ Pilatə nu nə wo bə: «Mi a ɳtawo mi kprɔ ε, i ɖohwe nə ε, sigbə miasə byɔ mɔ a.» Jifugan

wo nu nə ε bə: «Mí ñ wɔ àce qε i a wù amə o.»³² Cagbətɔ nə ənyu
kə Yesu nu qε, də əku kə i ka ku ñ a, na ce.³³ Pilatə dō ye xo mə, i
yɔ Yesu, i ka ε sə bə: «Ewo i nyi Jifu wo fyɔ a?»³⁴ Yesu ka ε sə bə:
«Ewoŋta susu mə i ə nu ənyu hunna co a, nɔmī ənu kə amə buwo lə
nu də ənyunyə a i?»³⁵ Pilatə ka ε sə bə: «Jifu i nya ñ nyi a? Taa dukɔn
ŋta kidə Mawuvɔsatɔgan wo i cɔ əwo də asi ñ. Nukee ə wɔ?»³⁶ Yesu
nu nə ε bə: «Tiin fyɔduxo ñ nyi xixə əla mə tɔ o. Nə tiin fyɔduxo
mene nyi xixə əla mə tɔ i a, tiin məsəntɔ wo la wɔ àhwà də tiin tamə,
i wó ñ ka cɔ ñ də àsi nə jifugan wo o, tiin fyɔduxo ñ nyi lela tɔ o.»³⁷
Pilatə nu nə ε bə: «Efyc i ə nyi nə sa?» Yesu nu nə ε bə: «Ewo i lə
nu i bə ñ nyi əfyɔ. Wo jì ñ, i ñ va xixə a mə i a d'èkunnu nə àdòdo
a.» Amə kə kprɔ nə àdòdo do awo see dō nə əto ñ.³⁸ Pilatə ka ε sə
bə: «Nukee nyi àdòdo a?»

Wo dō àkuhwɛ nə Yesu

(Mati 27:15-31; Makə 15:6-20; Luka 23:13-25)

Kə Pilatə nu ənyu hunna wo jrɔ a, é ve kpɔ Jifugan wo lə xixənu, i
nu nə wo bə: Nyi ñ kpɔ àgɔjəjə dəken, i la sə dō xwə nə ŋucu hunna
o.³⁹ Vɔ a, lə mianu wɔwɔ mə a, ñ də nə əgasəntɔ deka do lə didivayi
xo gamə. Mi ji bə ma daci Jifu wo fyɔ qε nə mi a?⁴⁰ Wó də axa bə:
«Eo, ñ nyi yei woa daciqε nə mí o! Barabasə i mí ji bə wo a daciqε.»
Vɔ a, Barabasə hunna a jàgùdà i ì nyi.¹ Ènə a, Pilatə d'ègbə, i wo kprɔ
Yesu, i xo e kidə sɔvo.² Sɔja wo cɔ aŋuju rɔn əfyɔkuku, i sə d'èta nə
ε, wó cɔ awù diŋdin əjen xexε deka sə do nə ε.³ Wó gbo təbɔ ε, i nu
nə ε bə: «Mi ci əwo Jifu wo fyɔ!» I wó tɔ ətomə xoxo nə ε.⁴ Pilatə
gbə trɔ do, i nu nə jifu awo bə: «Naa kprɔ ε va xixənu nə mi, nə mia
nya bə nyi ñ kpɔ àgɔjəjə dəken, i la sə qohwɛ nə ε o.»⁵ Yesu do va, i

lə awù jen a mə, i aŋuju kuku a l'əta nə ε. Pilatə nu nə wo bə: «Nyucu
 a kə!»⁶ Vò a, kə Mawuvɔsatɔgan wo, kidə Mawusənxocɔtə wo kpɔ ε
 a, wó də axa bə: «Kran ε də aticoga ji! Kran ε də aticoga ji!» Pilatə
 nu nə wo bə: «Míantawo mi xɔ ε, i kran ε də aticoga ji.» Nya η kpɔ
 àgɔjɛjɛ d̄ekɛn i la sə qoxwε nə ε o.⁷ Jifugan awo nu nə ε bə: «Mí wɔ
 əsə qε, i nə mí zɔn də əsə a ji a, á do a ku. Ðo á bə ye nyi Mawu
 Èvi.»⁸ Kə Pilatə sə ənyɔ hunna a, vɔnvɔn gbə ji i kpe e.⁹ É gbə d̄o
 àxo a mə, i ka Yesu sə bə: «Lefitɔ wo ə nyi?» Vò a, Yesu ý nu ənyɔ
 d̄ə dəj nə ε o.¹⁰ Pilatə nu nə ε bə: «Ehyɛ i ə vindəmə nɔ a? I nya
 bə η wɔ àcε qε i a daci əwo qε, nɔmi i a kran əwo də aticoga ji e a?»
¹¹ Yesu nu nə ε bə: «I d̄o àcε d̄ekɛn də ejinyɛ, nə ý nyi Mawu i na
 əwo o. Yeido amə kə cɔ η də asi n'əwo a jə àgɔ sùgbɔ wu əwo.»¹² Co
 gànämə i Pilatə ləji a d̄ə Yesu do, vò a, jifu wo də axa bə: «Nə ə daci
 i qε a, ý nyi əfyɔgan a ye xrɔ o! Amə d̄ekɛn kə bə ye nyi əfyɔ a, fɔn
 ègu də əfyɔgan rɔmatɔ a ji i!»¹³ Kə Pilatə sə ənyɔ hunna wo a, é d̄ə
 Yesu do va xixənu, i kanren də kojodqozinkpin ji, lefi wo cɔ əkpə
 nyɔŋgbın nyɔŋgbın wo te də anyigban mə lə a, i wo yɔnə leena də
 Ebregbə mə bə Gabata."¹⁴ Didivayixo a kpɔtɔ ècɔ lə gàwivə mə ənə
 a, Pilatə nu nə Jifu wo bə: «Mia fyc kə!»¹⁵ Vò a, wó tɔ axa dədə bə:
 «Wù i ! Wù i! Kran ε də aticoga ji.» Pilatə ka wo sə bə: «Ma kran mia
 fyc də aticoga a?» Mawusatɔgan wo rɔn nə ε bə: «Mí ý wɔ əfyɔ d̄ə qε
 wu Rɔmafycgan o.»¹⁶ Kə i nyi ənə a, Pilatə cɔ Yesu də àsi nə wo, nə
 wo a kran ε də aticogaji.

Wo kran Yesu də aticoga ji

(Matie 27:32-44; Makə 15:21-32; Luka 23:26-43)

19 Wó kprɔ Yesu jə mə. ¹⁷ Yenja dro yeticoga, i do lə ədugan a mə yi lefi wo ycnə bə "Etaxugo toho a", i tɔbə Golgɔta də Ebregbə mə. ¹⁸ Leena i wó kran Yesu kidə amə amèvə buwo də aticogaji lə, amə qeka lə qusi, i èvə a tɔ lə əminyə mə, i Yesu lə dojdomə. ¹⁹ Pilatə n'agbə i wo wɔ akpakovi qeka, i ɳrɔ də ji bə: «Yesu Nazaretito, Jifuwo fyɔ», i kran ε də àticoga a ji, lə əji. ²⁰ Jifu sùgbɔ hrən ənuŋrɔŋrɔ hunna, qo ləfi wó kran Yesu do a təbɔ ədùgan a, i ənuŋrɔŋrɔ a lə Ebregbə mə, latengbə kidə grekigbə mə. ²¹ Mawuvɔsatɔgan, jifu wo tɔ wo, nu nə Pilatə bə: «Ka ɳrɔ "Jifu wo fyɔ o", vɔ a, ɳrɔ bə: "Nucu hunna nu bə: Ye nyi jifu wo fyɔ."» ²² Pilatə nu nə wo bə: «Enu kə ɳrɔ a, ɳrɔ ε vɔ.» ²³ Kə sɔja wo kran Yesu də aticogaji jrɔ a, wó cɔ ye wu wo, i ma ε də toho amənə, i amə qeka qeka xɔ yetɔ. Wó cɔ ye wu diŋdin kə ɳu ənutɔntɔnkpa ñ lə a, i nyi àvən qeka co əji va àgòmə a. ²⁴ Sɔja awo nu lə woqəkiwo domə bə: «Mí ñ ka vu awu hunna o, vɔ a, mía da àkɔ d'əji i a kprɔ amə kə la qù i a.» Enu nyi ənə, cagbətɔ nə ənu kə Mawunyə nu a na cε, yei nyi bə: «Wó ma tiinwu wo, i dà àkɔ də tiinwu diŋdin a.» Enu kə sɔja wo wɔ a nə. ²⁵ Yesu ye nana, ye nana ə nɔvi nyɔrun, Mari Klopasi əsi kidə Mari kə co Madala a, wo l'ətə lə aticoga ye kpaqeka. ²⁶ Kə Yesu kprɔ ye nana a, i àdèkprɔvi kə i rɔn a lə akpaqeka nə ε a, é nu nə ye nana bə: «Nana, kprɔ əví wo nə.» ²⁷ I i nu nə àdèkprɔvi a bə: «Kprɔ tɔ nana nə.» I co ègà hunna mə a, àdèkprɔvia xɔ ε də y'exomə.

Yesu ku

(Matie 27:45-56; Makə 15:33-41; Luka 23:44-49)

²⁸Kina ŋgbə a, Yesu nya bə, ifia, ənuwo see yi vònómə, i nə Mawunyɔ a na ce a, é nu bə: «Ècigómə tən ŋ.» ²⁹Èzə ɖeka leena i veen hwanhwan ɖɔ ε, sɔja wo cɔ àvònvi nyi də veen a mə, i sə tɔ də izɔputi nu, i sə də ènù nə Yesu. ³⁰Yesu nù veen hwanhwan a, i bə: «Ènu wo see yi vònómə.» I də ətagu, i bɔnu. ³¹Gbona a, Jifuwogbɔngbɔnzan kpɔtɔ ɛcɔ i, i wó Í lə ji bə aməkuku wo na nɔ aticogaji lə gbɔngbɔnzangbə o. Gbɔngbɔnzan hunna nyi azan vəvə ɖə. Wó ve byɔ Pilatə bə na d'ègbə nə wo a gban àfɔxu nə aməkuku awo, i a ɖə wo ji lə aticoga ji. ³²Sɔja wo yi amə kə wo kran də aticogaji kidə Yesu awo gbɔ, i gban àfɔxu nə aməjéŋkɔtɔ a, i gban nə èvà a tɔ. ³³Vò a, kə wó va Yesu gbɔ a, wó kpɔ bə é ku vò, wó Í gbə gban àfɔxu wo nə ε o. ³⁴Vò a, sɔja awo domətɔ ɖeka cɔ aju tɔ axatimə nə Yesu, i èhun kidə èci do zəqeka. ³⁵Amə kə kpɔ ənu a, ɖ'ekunu, i ye kunu ɖədə nyi àdòdo, é nya bə àdòdo i ye lə nu, cagbətɔ nə miaca wo mia xɔsə. ³⁶Đo ənu hunna wo see jɔ nə ənu kə Mawunyɔwema nu a, na ce, yei nyi: «Wo Í ka gban ye xu ɖeken o.» ³⁷Mawunyɔ wema a gbə nu lə akpa bulɔmə xo bə «Wó a kpɔ amə kə wó cɔ aju tɔ axatimə nɔ a.»

Wo ɖi Yesu

(Matie 27:57-61; Makə 15:42-47; Luka 23:50-56)

³⁸Lə ənu hunna wo ŋgbə a, ɿucu ɖeka le i wo yɔ nə ε bə Jozefu, Arimatetɔ i ì nyi. È nyi ɖeka lə Yesu ə dəkprɔvi wo mə. Vò a, ŋ ɖənɔ disa bə ye lə Yesu ə dəkprɔviwo mə o, dəo é vònóng nɔ nə jifugan wo.

É ve byɔ gbə Pilatə, i a qə Yesu əku ji i, Pilatə na ògbè e, i ì ve qə Yesu əku ji i. ³⁹Nicodemu kə ve kpɔ Yesu lə èzanmə a ca va, i hən Mire kidə Alowessə kiloo əgban ənə va. ⁴⁰Wó amèvè awo cɔ Yesu əku a, i tro àvòn də e, i sì ami hɔntə wo nə ε sigbə jifu wo wɔ nɔ, nə wo məkuku, gbɔxo i na qì i a. ⁴¹Ləfi wo kran Yesu do a, Abrɔ qəka leena, i lə Abrɔ a mə a, əyɔdo yeye qəka leena, i wo Í qì amə dəmə kpɔ gbədə o. ⁴²Leena i wo qì Yesu do, qo əyɔdo a η diŋdin də leena o; jifu wo qe lə kpaqì qe nə wo gbɔngbɔnzan a vɔ.

Yesu nyɔ co əku

(Matié 28:1-8; Makə 16:1-8; Luka 24:1-12)

20 Lə kɔsiqagbə ñgbangbansi a, Mari kə co Madala a yi əyɔdo a gbo, é kpɔ bə wo qə əkpə a ji lə əyɔdo a nù. ²É sudu yi Simɔɔ Pyee kidə àdèkpròvi kə Yesu qo rɔnrɔn nɔ a gbo, i nu nə wo bə: «Wo qə Àxotɔ ji i lə əyɔdo a mə, i mí Í nya ləfi wo cɔ ε do o.» ³Pyee kidə àdèkpròvi qəya do, i yikɔ əyɔdo a gbo. ⁴Wo a aməvə awo sudu, vɔ a, àdèkpròvi qəya sudu wugan Pyee, i qo əyɔdo a gbo jəŋkɔ. ⁵É bubɔ i kpɔ əyɔdo a mə, i kpɔ àvòn kə wo sə tro də Yesu əku a leena, vɔ a, Í qo mə o. ⁶Simɔɔ Pyee ciŋgbə va, i qo əyɔdo a mə. É kpɔ àvòn kə wo sə tro də e awo leena; ⁷kidə àvòn kə wo sə cɔn èta nə ε a, àvòn hunna Í lə àvòn qəya wo mə o, é lə brabra l'əvo. ⁸lə ye ñgbə a, àdèkpròvi qəya kə va əyɔdo a gbo jəŋkɔ a ca qomə; é kpɔ, i xɔsə. ⁹Kéké jə ègà hunna mə a, àdèkpròvi awo Í sə agomə nə ənyɔ kə lə Mawunyɔ a mə bə: Yesu a nyɔ lə aməkuku wo mə a o. ¹⁰I àdèkpròvi amèvè awo trɔyi wo xowo mə.

Yesu disa qəkia nə Mari kə co Madala a

(Matié 28:9-10; Makə 16:9-11)

¹¹ Mari lətə lə əyədo a gbo, i lə fan àvin. Kə i lə fan àvin a, é bubo kpə əyədo a mə. ¹² É kpə Mawuŋədotə amèvə i wó do awu əye, i kanren qə də ləfi wo cə Yesu əku do qədəca a, i qəka lə ətarigbə, i èvə a tə lə àfədə. ¹³ Mawuŋədotə awo ka Mari sə bə: «Nukeejə ə lə fan avin?» É nu nə wo bə: «Wo qə tiin Xotə y'əku ji i, i nyə í nya ləfi wo cə ε do o.» ¹⁴ Kə i nu ənə jrə a, é trə kpə ŋgbə, i kpə Yesu lətə, və a, η nya bə Yesu i o. ¹⁵ Yesu ka ε sə bə: «Nukeejə ə lə fan àvin? Mə ε i ə lə ji?» Mari bù bə abrɔjikpətə i, i nu nə ε bə: «Nə i nyi əwo i cə ε a, nu ləfi ə cə ε do a η, nə ma ve cə ε.» ¹⁶ Yesu yə ε bə: «Mari!» I i trə, i dəŋkə ε, i yə ε də Ebre gbə mə bə: «Rabuni!» Ye gəmə i nyi "Enukpramətə!" ¹⁷ Yesu nu nə ε bə: «Ka lə η dətə o! Đo nyə í yì tiin Dada gbə xađo o. Və a, yì nəvinyə wo gbə i nu nə wo bə: "I yikə tiin Dada kə nyi miacawo Dada a gbə; tiin Mawu kə nyi miacawo Mawu a gbə."» ¹⁸ Mari kə co Madala a va yi àdèkprəvi awo gbə i do əŋə nə wo bə: «I kpə Àxotə!» I do əŋə kə Àxotə do a nə wo.

Yesu disa qəkia nə Ye dəkprəvi wo

(Matié 28:16-20; Makə 16:14-18; Luka 24:36-49)

¹⁹ Gbonana a lə kəsiđagbə fyenyi a, àdèkprəvi awo bə də àxo qəka mə qə. Wó gra agbo awo, qo wó lə vònvcən nə jifugan wo. Yesu qo əxç a mə, i nəte lə doŋdomə nə wo, i nu nə wo bə: «Fàfa na nə kidə mi!» ²⁰ Kə i nu ənə ne wo jrə a, é disa ye lə wo kidə ye xatimə nə wo. Èji jə àdèkprəvia wo sùgbə kə wo kpə Àxotə a. ²¹ Yesu gbə trə nu nə wo bə: «Fàfa na nə kidə mi! Sigbə Dada də η qıđa a, η ca η də

mi dìdà.»²² Kè i nu ənə jr̄ a, é dè fufu dè wo, i nu nə wo bə: «Mi xɔ Gbòngbòn Kòkɔ! ²³ Nə mi cɔ àgòjéjé kə amə dè a, Mawu la sə kə e. Vò a, nə mi j̄ cɔ àgòjéjé kə amədè o, Mawu j̄ ka sə kə e o.»

Yesu disa dèkia nə Tɔmaa

²⁴ Tɔma, kə nyi dèka lè àdèkpròvi aməwivè awo mə, i wo yɔnə ε bə: «Ekranvi a», j̄ lè wo mə dè kə Yesu va a o. ²⁵ Àdèkpròvi kə leena dè awo nu nə Tɔmaa bə: «Mí kpɔ Àxotɔ a.» Vò a, é nu nə wo bə: «Nə nyə j̄ kpɔ freñgobi awo lè ye lɔ wo mə, i cɔ tiinlɔvi wo dè fleñgobi awo mə o; i cɔ tiinlɔ dè ye xatimə o, nyi j̄ ka xɔ ε sə o.», ²⁶ Ùkèkè nyi a tɔ mə a, àdèkpròvi awo gbə bɔ lè àxo a mə, i Tɔmaa lè wo domə, àgbo awo lè gàgra dè, i Yesu qo àxo a mə, i nɔtə lè wodonjdomə, i bə: «Fafa na nɔ kidə mi!» ²⁷ I i nu nə Tɔmaa bə: «Vru tɔ lɔvi dè lela, i kpɔ tiin lɔ wo, i vru tɔ lɔ, i cɔ ε dè tiin xatimə. Ka gbə xonə ənu kpɔ o, xɔsə!» ²⁸ Tɔmaa nu nə ε bə: «Tiin Xotɔ, tiin Mawu!» ²⁹ Yesu ka ε sə bə: «Kè è kpɔ j̄ a, i dɔ i è xɔsə a? Ènu nyɔ nə amə kə j̄ kpɔ o, i xɔsə awo!» ³⁰ Yesu gbə wɔ dəsi ənujiñutɔ sùgbɔ bù wo lè y'edèkpròvi awo j̄kɔ, i wó j̄ lè wema əla mə o. ³¹ Vò a, wo j̄rɔ wema əla cagbətɔ nə mia xɔsə bə Yesu i nyi Kriso Xègàntɔ, Mawu Èvia. I nə mi xɔsə a, mia kpɔ àgbə to ji.

Yesu disa dèkia nə ye dèkpròvi wo lè Tiberiadə ètɔ to

21 Kina j̄gbə a, Yesu gbə trɔ disa dèkia nə ye dèkpròvi wo lè Tiberiadə ètɔ to. Sigbə i disa dèkia nə wo mɔ a kə: ² Simɔɔ Pyee, Tɔmaa kə tɔbə «ekranvi a.» Natanayelə kə co kana lè Galile a, Zebede èvi j̄rucu wo, kidə Yesu è dèkpròvi amèvè bù wo lè èdu. ³ Simɔɔ Pyee nu nə wo bə: «I yikɔ èhwè lè gbə.» Wó nu nə ε bə:

«Míacawo mía yi kidé əwo.» Wó ɖo ətɔjihun mə i yi, vò a, wó Í lə ənuŋɖe lə əzan hunna mə o. ⁴Kə əŋju lə kə a, Yesu va ətɔ a to, vò a, àdèkpròvi awo Í nya bə ye i o. ⁵Yesu ka wo sə bə: «Èvinyə wo, mi Í wó əhwə ɖə ɖe a?» Wó gbə bə: «Eo» ⁶Í nu nə wo bə: «Mi da mia ɖɔ də ɖùsimə nə ətɔjihun a, mia lə əhwwe wo.» Wó da əɖɔ a nyawo, i lə əhwwe sùgbə kékə wó Í ka tə dɔn ε do lə ətɔ a mə o. ⁷Àdèkpròvi kə Yesu rɔn a, nu nə Pyee bə: «Àxotɔ i!» kə Simco Pyee sə bə Àxotɔ i a, é cɔ ye wu sə sa də arin; i zo jə ətɔ a mə, ɖo η do awu ɖe o. ⁸Àdèkpròvi ɖeyawo kù ətɔjihun a gbɔnɔ àgəji, i dɔn əɖɔ a kidé əhwwe sùgbə do, wó Í gbə diŋdin də àgəji wu ənujrəkpo kavətakpo (100) ənə o. ⁹Kə wó ɖi a, wó kpɔ àkan zo ɖeka, i əhwwe l'ənu, i kpɔnɔ ca leena. ¹⁰Yesu nu nə wo bə: «Mi cɔ əhwwe kə mi lə ifia awo ɖewo va.» ¹¹Simco Pyee ɖo ətɔjihun a mə, i dɔn əɖɔ kə əhwwe gaŋgan ɖɔ ɖe awo va àgəji; əhwwe kàtɔn takpo ciwo citɔn (153) i wo lə. Èhwwe a sùgbə ɖo ənə ganjkə əɖɔ a Í co o. ¹²Yesu nu nə wo bə: «Mi va ɖù ənu.» Àdèkpròvi awo ɖekɛn Í doji i kasə bə: «Mə ε i ə nyi ma o?» Đo wó nya bə Àxotɔ i. ¹³Yesu gbo təbɔ wo, i cɔ kpɔnɔ a, i na wo, i ma əhwwe ca nə wo. ¹⁴Zətɔn a tɔ i Yesu lə disa ɖækia nə ye dəkpròvi wo co gákəmə i nyɔ co əku a nə.

Yesu cɔ əɖɔ ɖeka də asi nə Pyee

¹⁵Kə wó ɖù ənu jrɔ a, Yesu nu nə Simco Pyee bə: «Simco Jaan èvi, ə rɔn η wu amə əlawo a?» Í rɔn nə ε bə: «Een Àxotɔ, ə nya bə η ɖo rɔnɔn n'əwo.» Yesu nu nə ε bə: «Ləbə nə tiin ringbɔvi wo.» ¹⁶Yesu gbə ka ε sə zàvè a tɔ bə: «Simco Jaan èvi, ə rɔn η wu amə əlawo a?» Í rɔn nə ε bə: «Een Àxotɔ, ə nya bə η ɖo rɔnɔn n'əwo.» Yesu nu nə ε bə: «Ləbə nə tiin ringbɔ wo.» ¹⁷Yesu nu nə ε zətɔn a tɔ bə: «Simco

Jaan əvi, ə rɔn ŋ a?» Èjū ku Pyee kə Yesu ka ε sə zètɔn a tɔ bə: È dō rɔnrɔn ŋ a? I ì rɔn nə ε bə: «Èen Àxotɔ, ə dəsi ənuwo see, ə nya bə ŋ dō rɔnrɔn n'əwo.» Yesu nu nə ε bə: «Ləbə nə tiinringbɔ wo.»¹⁸ Ma nu àdòdo nə mi, kə ə lə ɖekɛjɛvi mə ɖe a, woŋta i bra nə akpa nə ɖəkiwo, i yinə àfi kə jro əwo a; v̄ a, gakəmə aa kpo nyoxo a, aa kɔ tɔɔ lɔ wo də èji, i aməbu la bra akpa n'əwo, i la kprɔ əwo yi ləfi ń jro əwo a.»¹⁹ Yesu nu ənə, i la sə ɖə əku kə Pyee dō a ku, i la sə ɖə Mawu ye kafukafu disa a. Yesu nu nə ε bə: «Kprɔ ŋ do!»

Yesu kidə àdèkprɔvi kə i rɔn a

²⁰ Pyee trɔ kpɔ ŋgbə, i kpɔ àdèkprɔvi kə Yesu rɔn a kprɔ wo do, ye i cɔ əta də akɔtanu nə Yesu gákəmə wo lə d̄ù ənu, i ì kasə bə: «Àxotɔ, mə ε i ka sa əwo a?»²¹ Kə Pyee kpɔ ε a, é ka Yesu sə bə: «I ya ɖee, Àxotɔ, nukee la va jɔ d'èji?»²² Yesu nu nə ε bə: «Nə ŋ ji bə na nɔ agbə kékə jə gbəkikə na trɔva a, nukee kan əwo lə mə? Èwo a, kprɔ ŋ do!»²³ Ènyɔ hunna gban də novixɔsətɔ wo mə, bə àdèkprɔvi hunna ń ka ku o. Lə àdòdo mə a, Yesu ń nu bə ń ka ku o. V̄ a, é nu bə: «Nə ŋ ji bə na nɔ àgbə kékə jə gbəkikə naa trɔva a, nukee kan əwo lə mə?»²⁴ Àdèkprɔvi hunna i ɖ'èkunnu ənu hunnawo tɔ, i ɳrɔ wo, i mí nya bə ye kunnu ɖədə nyi àdòdo.²⁵ Yesu gbə wɔ ənu sùgbɔ bù wo, i nə wo a ɳrɔ wo ɖeka ɖeka a, ŋ kpɔ bə wema kə wo a ɳrɔ awo, la sugbɔ kékə xixə a see, ŋ ka teŋ kpɔ toho i hən wo o.

^a 4:10 əwo

^b 13:32 Wema xoxo sùgbɔ lε, i wo ŋ wo akpa əlaxo ɖe o